

淵鑑類函

卷八十之卷八十三



淵鑑類函卷八十一

設官部二十兵部尚書 侍郎 附 職方郎中 兵部郎中 員外郎 附

四曹庫部郎中 員外郎 附 員外郎 附 員外郎 附

其鄰兵部尚書侍郎 附

原杜氏通典曰周禮夏官大司馬之職掌以九伐之法

正邦國制軍詰禁以糾邦國領校人牧師職方司兵之

屬即今兵部之任也魏置五兵尚書周官有司兵掌五 兵五盾各辨其物

鄭司農云五兵者戈及戟酋矛矜矛也與其等以待軍事五兵之名當出於此五兵謂中兵外

兵騎兵別兵都兵也晉初無太康中乃有五兵尚書而

又分中兵外兵各為左右按晉雖分中兵外兵為左右 與舊五兵為七曹然尚書惟

設官部淵鑑類函卷八十一 兵部尚書

置五兵而已無七兵尚書之名至後魏始有七兵尚書耳今諸家著述或謂晉太康中置七兵尚書誤矣宋

五兵尚書惟領中兵外兵二曹餘則無矣齊梁陳皆有

之後魏為七兵尚書北齊為五兵統左中兵掌諸都督

衛官右中兵掌畿內丁帳左外兵掌河南及潼關以東諸

右外兵掌河北及潼關以西諸都兵掌鼓吹太樂五曹

後周置大司馬其屬又有兵部中大夫小兵部下大夫

其職並闕至隋乃有兵部尚書統兵部職方駕部庫部

四曹蓋因後周兵部之名兼前代五兵之職唐龍朔二

年改兵部尚書為司戎太常伯咸亨元年復舊光宅初

改為夏官神龍元年復舊天寶十一年改為武官至德

初復舊掌武官選舉總判兵部職方駕部庫部事其分

領選舉亦為三銓制如吏部尚書所掌謂之尚書銓侍

為西銓銓各有印增文獻通考曰宋兵部判部事一人凡籍

武官軍師卒戎之政令悉歸於樞密院其選授小者又

歸三班本曹但掌三駕儀仗鹵簿字圖釋奠武成王廟

及武舉事歲終以義勇兵箭手寨兵之數上於朝元豐

更制惟民兵馬政權隸樞密院武官銓選并歸吏部五

年詔應緣義勇保甲事並隸樞密院其餘民兵悉隸兵

部以什伍之法教民為兵以選舉之法試武士以鹵簿

字圖分布儀衛以郡縣之圖周知地域凡廂軍蕃兵剩

設官部

增文獻通考

兵部尚書

二

員及金吾街仗司人兵稽其數而振飭其藝大將出征告捷於廟破賊露布以聞臣僚之家宣借兵級與夫蕃彛屬戶授官封襲之事皆掌之建炎三年并衛尉寺隸焉分案十曰賞功曰民兵衛曰廂兵曰人從看詳曰帳籍告身曰武舉曰蕃官曰開拆曰知雜曰檢法 續文獻通考曰遼北面有北樞密院掌兵機武銓羣牧之政視兵部南面兵部尚書下侍郎郎中員外並同吏部又金兵部尚書一員正三品掌兵籍軍器城隍鎮戍廢牧鋪驛車輅儀仗郡國圖志險阻障塞遠人歸化之事元制兵部尚書三員正三品掌天下郡邑郵驛屯牧之

政令凡城池廢置之故山川險易之圖兵站屯田之籍遠方歸化之人官私芻牧之地馳馬牛羊鷹隼羽毛皮革之徵驛乘郵運祇應公解阜隸之制悉以任之世祖中統元年以兵刑工為右三部置尚書二員總領三部事至元元年別置工部以兵刑自為一部二十三年定尚書以二員為額同明初沿唐宋之制設兵部尚書侍郎之職掌天下軍衛武官選授之政令仍屬中書省洪武十三年革中書省陞六部每部分四子部兵部其屬有四曰司馬曰職方曰駕部曰庫部二十九年司馬為武選駕部為車駕庫部為武庫職方仍舊俱稱清吏

永為定制大征伐大簡練武官勲祿品命圖志鎮戍烽
埃鑾輿車乘傳驛廢牧戎器儀仗之庶務靡有不統兵
部改置北京肇自永樂辛丑其提督團營初總於世勲
宿將自土木之變命兵部尚書于謙不妨部事統督軍
務嗣後歷年提督不同俱以尚書不妨部事提督矣
原杜氏通典曰侍郎隋煬帝置唐因之龍朔二年改為
司戎少常伯咸亨元年復舊他時曹名或改而官不易
舊制一員總章元年加一員掌署武職武勲官三衛及
兵士以上簿書朝集祿賜假使差發配親士帳內考覈
及給武職告身增文獻通考曰宋南渡後長貳互置

續侍郎二員隆興常置一員續文獻通考曰遼南面
兵部侍郎同吏部辭金兵部侍郎開員正四品自元至
治三年增侍郎二員品秩與吏部同宣明兵部左右侍
郎各一人嘉靖二十九年俺答犯京師改王邦瑞為兵
部左侍郎協理戎政專一操練遂定為常制繪其入
曰夫兵部尚書二蘇密備鄭中煥煥給曰明專鞏制兵
增職林曰尚書大司馬亦曰夏卿不職儀曰睢鳩氏司
馬也王釋名曰周成王時畢公為三公兼領司馬之職
北齊元景安遷七兵尚書時初築長城鎮戍未立詔
景安與諸將緣塞以備守督領既多且所部軍人富於

財物遂貨賄公行文宣遣使推案惟景安纖毫無犯帝以所斂贓賄賜之以彰清節 宋中興繫年錄曰兵部尚書王庶論制敵之道在於民昔周文王問太公以爲國之道太公曰愛民而已兵書無不本諸愛民者上歎曰大臣才也遂拜樞密副使 獻徵錄曰明唐鐸除兵部尚書上嘗稱之曰鐸自友廷臣至今三十餘載其人交不知變節絕不出惡聲其見恩遇如此 又曰劉大夏爲兵部尚書受知孝宗每朝罷傳宣循御陛而上面與商榷時事雖公輔貴近有不預聞者嘗召對自旦至午億不能行命司禮太監李榮扶掖而出 又曰張悅

字定菴改南兵部尚書參贊機務恩威並行將帥悅從嘗謂人曰古之聖賢凡所欲爲至公無私故其事業光明俊偉今之人去古遠矣竭其公忠猶恐不至况復濟以私乎或有言善讀書不善作官者公笑曰此正不善讀書耳 又曰王繼字述之弘治間改南兵部尚書中貴李廣以左道見寵任權傾中外大臣競賄結之多驟遷樞要者公獨不與之通戊午廣懼罪飲藥死科道官劾論交通大臣某某上憫其人衆悉宥之翼日早朝空班謝罪惟公與兵書鈞陽馬公弗預垂紳屹立無忤色以上 六典曰兵部侍郎夏官小司馬中大夫之任也

續會要曰尚書掌武舉地圖車輦甲械之政令而侍郎爲之貳 唐書曰盧承慶遷民部侍郎太宗尋令檢校兵部侍郎仍知五品選事承慶辭曰選事職在尚書臣今掌之便是越局太宗不許曰朕今信卿卿何不自信也 又曰韓臯資質厚重有大臣器爲兵部侍郎號爲稱職 宋周益公集曰李文敏公邴召爲兵部侍郎時苗劉反露刃宮門上登樓撫諭公亟趨前叱苗劉等兇燄稍息公扣宰相朱勝非問計策傅等皆在公反覆辯詰人爲公危公無懼色太后垂簾勝非奏曰自變故以來能助朝廷者惟李邴鄭穀乃除公翰林學士上親

賜札略曰卿毅然正辭氣折羣醜萬衆動色具臣靦顏獻徵錄曰明寇天敘字子惇改兵部侍郎朝野屬望時有言官繫獄問重辟者一大臣欲疏救謀於天敘天敘曰祇成君子名耳不能救彼也其人問故答曰須同諸法司請於當路者使恩出於上則可從之言官果得緩誅 又曰陶諧字世和起貳本兵日夕考求職方險要諸將勇怯思欲頓刷九邊之弊及會議朝事侃侃必竭盡所見以習尚浮靡大異弘治時每形慨歎人稱爲古君子

以上

侍郎

南省

文苑英華云昔人謂爲文苑英華云昔人謂爲

設官部

兵部尚書三

設官部

兵部尚書

兵部尚書

增圻父 夏官 周書云圻父薄違農父若保宏父定辟

西曹 南省 文苑英華云崔融字安成齊州人

師掌九伐 周禮大司馬以九伐之法正邦國

公領 為宰相兼 上見二釋名 清以奉國 忠於事

君 山堂肆考曰唐屈突通為兵部尚書從秦王平薛仁

曰清以奉國名定不虛特賚金錢六百兩綵十段

是時棧道為山南石君涉所毀天子間關險阻羣懿從

之未嘗暫去側帝勞曰卿蓋古所謂忠於所事者耶

事皆暗記 知無不言 唐書曰姚崇三為宰相兼兵

無不暗記 宋朱文公撰黃端明碑云黃中謚簡肅為

兵部尚書兼侍讀每當入直上常先遣人候視至則亟

召入坐語從容月必 願寬逐臣 可屬大事 唐職林

一再見公知無不言 逐臣 字舉之為兵部尚書文宗數訪以時政起因積兩願寬

攘大計十二事上省覽嘉悅謂 自得岐路 惟飲江

戴尚書可屬大事命斟酌舉行 自得岐路 惟飲江

水唐職林云朱灌為兵部尚書自得岐路必當大用封

年懇辭機務得允歸途送者填塞或相聚 邦奇剛直

輒稱曰公惟飲江水去耳惜乎不可挽焉 邦奇剛直

于謙機敏 兵部尚書性剛直尚節槩端潔方正人不

敢干以私威望稜稜 又于謙為兵部尚書時立春日

正值交泰節眾議以先行慶賀然後迎春或以迎春而

後慶賀俱未定議俄而謙至眾質之謙曰迎春宜先眾

曰何據曰不見春玉正月春加玉上宜先迎春眾是之

其機敏以上尚書 奏四事 獻三經 言行錄曰宋周

侍郎首奏四事曰重侍從增臺諫擇監司郡守上曰皆

今日要務也 獻徵錄曰胡世寧起兵部侍郎前謫遼

三經講議引大學秦誓好惡之章以戒媚嫉尚書惟辟

作福之章以重威福易大傳不出三召詢時政入守

內職唐書曰韋澳遷兵部侍郎與同僚蕭寘深為宣宗

刑政大事中使使傳宣草詞澳心欲論諫即曰此一事須

降御札方敢施行遲留至旦必論其可否上多從之

韓愈上兵部李侍郎書云閣下今者入守內職為朝廷

大臣當天子新即位汲汲於理化之日出言舉事宜必

施設既明之言不發於左右則後而失其時矣獨對三

留入奏八事唐書曰蔣伸為兵部侍郎宣宗雅愛信

他日不復獨對卿矣伸不喻未幾以本官同平章事

東都事略宋許將入為兵部侍郎條奏八事以為兵之

事有三曰禁兵曰廂兵曰民兵馬之事有二曰繕作曰給用

馬曰市馬曰牧馬兵器之事有二曰繕作曰給用願

佐司馬還貳圻父直學士院公辭曰臣愚不足以集

二事願盡力佐司馬不受直院事還貳圻父用均爾勞

卿之亞皆高選也夏官實主武事還貳圻父用均爾勞

侍郎以上參書曰太宗以蘇頌為兵部侍郎

增以槐易榆山堂肆考曰唐吳湊為京兆尹以其能政

司植榆以補之湊曰榆非九衢之玩亟命易

之以槐及槐陰成而湊卒人指樹而懷之恭守戎

曹許公集云恭守戎曹訓齊夏官古卿歐陽公謝

奏停參辭唐書曰諸道新授方鎮節度使等執弓弩帶

異容古今定制事不由舊斯為改常未聞省閣之疏

東熟知京東一帶利病進備邊二十五事復憂時事獻

三經講議引大學秦誓好惡之章以戒媚嫉尚書惟辟

作福之章以重威福易大傳不出三召詢時政入守

內職唐書曰韋澳遷兵部侍郎與同僚蕭寘深為宣宗

刑政大事中使使傳宣草詞澳心欲論諫即曰此一事須

降御札方敢施行遲留至旦必論其可否上多從之

韓愈上兵部李侍郎書云閣下今者入守內職為朝廷

大臣當天子新即位汲汲於理化之日出言舉事宜必

施設既明之言不發於左右則後而失其時矣獨對三

留入奏八事唐書曰蔣伸為兵部侍郎宣宗雅愛信

他日不復獨對卿矣伸不喻未幾以本官同平章事

東都事略宋許將入為兵部侍郎條奏八事以為兵之

事有三曰禁兵曰廂兵曰民兵馬之事有二曰繕作曰給用

馬曰市馬曰牧馬兵器之事有二曰繕作曰給用願

佐司馬還貳圻父直學士院公辭曰臣愚不足以集

二事願盡力佐司馬不受直院事還貳圻父用均爾勞

卿之亞皆高選也夏官實主武事還貳圻父用均爾勞

侍郎以上參書曰太宗以蘇頌為兵部侍郎

增以槐易榆山堂肆考曰唐吳湊為京兆尹以其能政

司植榆以補之湊曰榆非九衢之玩亟命易

之以槐及槐陰成而湊卒人指樹而懷之恭守戎

曹許公集云恭守戎曹訓齊夏官古卿歐陽公謝

奏停參辭唐書曰諸道新授方鎮節度使等執弓弩帶

之明日使傳命申救有司嚴整仗衛

律隆運總二樞府事以南京平州歲不登奏

免百姓農器錢及清平諸郡商賈價從之

安禪又張深字仲湜轉兵部尚書條上時務八事多報

令人大稱快四方遊僧多贊聚梵剎名曰安禪主之者

皆貴豪也深曰是將惑眾且蠹財下令逐之即日散去

曹窮張不用銀器又張本字致中為兵部尚書直諒通

臣各設銀器一案因以賜之惟本坐案皆設陶器論

曰卿號窮張銀器不知用也本頓首謝以上尚書

夏卿之亞唐張九齡為裴光庭碑云兵佐平邦國

柳公綽兵部侍郎制云惟茲夏官實掌戎政入參機

簡稽調補今方其時司馬貳卿佐平邦國

務翰苑新書曰太宗以楊弘禮有文武才擢為兵部侍

風車綽繼門風舊唐書曰盧元輔字子望杞子也為兵

矣亦不以父之醜行為累人歸美

冊元輔簡潔貞方綽繼門風歷踐清貴

繫年錄云宋兵部侍郎張燾力詆拜詔之議秦檜患之

直院宜早出燾大駭曰愈不敢出矣若使我草國書豈

能曲徇意旨哉燾嘗思之不過一去檜不能奪遂止

手畫形勢對便殿口陳手畫秦隴形勢利害上大

即日遷兵部尚書兩熊夾一馬宗徽錄曰明熊翀字鵬霄

即馬文貞公而侍郎有左熊右熊翀為左熊京輦有兩

熊夾一馬天下太平之謠孝宗呼為熊鬍子而不名

以侍郎

以固兵部尚書五百

增詩唐包佶酬兵部李侍郎晚過東廳之作曰酒禮慙

先祭刑書已曠官詔馳黃紙速身在絳紗安聖位登堂

設官部

兵部尚書

兵部尚書

九

靜生徒跪席寒庭槐暫搖落幸為入春看

增箴明宣宗兵部箴曰部以兵名實古司馬詰是戎兵以固華夏凡厥武臣疇過敘勳乘馬在垆考牧用蕃車駕輿服城戍郵驛守經制宜皆爾之職董之以卿承以衆僚簡畀維賢庶其昭昭爾宜懋茲敬其朝夕顧諟勿忘以熙庶績書有明訓儆戒無虞茲用教寧其可弗圖怠則隳政貪則亂法毋為泄泄毋為沓沓職所宜為式克慎修福祿攸集永孚於休思古良臣鞠躬盡瘁用是作箴以勵有位

增制唐蘇頌授張仁愿兵部尚書制曰具官張仁愿有

將相之才樹忠公之績入稱三傑帷幄所以運籌出總六師塞垣由其卧鼓懸利器而御物自中於桑林推素心以得士更成於李徑洎養疾歸休辭榮及禮用旌渭濱之兆空想潁陽之問乞言繫賴寵德攸宜佇增題劍之榮更遂揮金之樂錢珣授陸戾兵部尚書制曰周之九法歷代用焉進賢興功以分厥職故夏官之重高位久虛則有嘗秉化權方臨邦教惟人之命我不敢私其官陸戾頃以宏博奉吾論思繼令祖之典謨去邪辭之枝葉洎當大用且屬多虞執政雖新犯顏已急我則有違蹇叔爾詎不如王陵剖竹遂行伏蒲未足還好爵

而來惟辨色掩閑門而退乃韜光考之中庸有以自得
往次六卿之首無輕一等之遷進賢興功必在敦故
李嶠授唐奉一兵部侍郎制曰參貳百揆樞衡九法是
司邦政尤切帝難具臣唐奉一宇量深明襟懷雅正文
場得雋翰苑推工瑣闥內朝致延譽之美珪符出守樹
威恩之績永言禁暴事切安人俾昇五戎之府佇諧九
流之選空孫逖授李彭年兵部侍郎制曰敕具官李彭
年清和稟識博雅爲文堅貞懷匪石之心果斷有荆鐘
之利夏卿之亞歲調方殷缺官而擇至公斯在宜副才
難之選將觀試可之能白居易授柳公綽罷鹽鐵守

夏官兵部侍郎制曰敕具官柳公綽昔先皇帝知爾有
才元和以來應用不暇及領樞筦漕運之務屬陵寢郊
丘之禮財給事集時乃之功宜有轉移以均勞逸况闡
牢籠無遺利課督有常規今詔刑部尚書播代之亦令
守而弗失朕將興理化先務根本凡百職事悉歸有司
惟茲夏官實掌戎政簡稽調補今方其時司馬貳卿佐
平邦國是爾本職無忘增脩

增表宋蘇軾拜兵部尚書謝表曰恭惟先帝復六卿之
名本欲後人識三代之舊古今殊制閑劇異宜武選隸
於天官兵政總於樞府故司馬之職獨省文書蓋紀其

實也今本曹所掌惟諸州廂軍名籍及每大禮別書寫
蕃官加恩告雖有所轄司局如金吾衛仗司騏驎車輅
象院法物庫儀鸞司不過每季郎官一往耳名存實亡
一至於此

增記宋周必大兵部長貳題名記曰大小司馬著於周
官歷代沿革可考也本朝倣唐六典曰兵部凡民兵廂
軍蕃兵剩員武舉投試武藝金吾衛司人兵及大將出
征告廟破賊露布鹵簿字圖若蕃彝屬戶授官封之事
皆主之曰職方凡天下地圖城隍堡寨烽堠之數蕃彝
歸明內附之事皆主之曰駕部掌凡輦輅車乘廐牧雜

蕃乘具傳驛之政令辨其出入之數曰庫部掌凡軍器
儀仗鹵簿法式隨軍防城什物及凡供帳之事是爲四
司而其主判率用他官所謂長貳姑以寄祿而已尚書
今銀青光祿大夫也侍郎今正議大夫也位序旣高非
宰執侍從鮮能至故方任事時自揚乃職有如歸班猶
弗敢替盡規之義名公鉅卿磊落相望抑有由也元豐
肇新官制尚書從二品侍郎從三品實坐曹治事名稍
正矣而武選隸天官兵政歸西府其職視唐猶簡况於
成周乎雖然古號六卿今日近臣使其告猷可以沃上
心陳力可以大厥官則天下國家將陰受其賜烏在事

之繁簡也

原杜氏通典曰兵部郎中

員外郎附

今武選司

原杜氏通典曰兵部郎中按歷代兵部曹皆有郎其尚書中或單為郎或置郎中

例在吏部郎中篇

隋初為兵部侍郎

煬帝除侍字改為兵部曹郎武德三年改為兵部郎中龍朔二年改為司戎大夫咸亨元年復舊掌與侍郎同

員外郎

增隋文帝置兵部員外郎煬帝改為兵曹

承務郎武德三年復舊其後曹改而官不易 職員令

云兵部郎中掌武職勳官二衙及兵士勳書朝集祿賜假告差發武職告身之事 唐百官志兵部郎中二員

一員掌判帳及天下武官之階品衛府之名數

判簿以總軍戎差遣之名數 唐職林兵部郎中周大

司馬屬官軍司馬下大夫之任也亦曰中兵下大夫

文獻通考曰宋建炎三年詔兵部兼職方駕部兼庫部

隆興初詔駕部兵部郎官共一員兼領自是四司合為

一矣厥後間或並置若從軍或將命於外則假以為寵

特續文獻通考曰遼南面兵部郎中員外郎並同吏部

孟金兵部郎中一員從五品員外郎二員從六品主事

二員從七品 元兵部郎中二員員外郎二員主事二

員品秩與吏部同 元史趙孟頫授兵部郎中至元鈔

設官部

刑部員外郎

兵部郎中

三

法滯澀不能行詔遣尚書劉宣與孟頴馳驛至江南問
行省丞相慢命之罪凡左右司官及諸路官則徑答之
孟頴受命而行比還不答一人不續文獻通考曰明兵
部武選清吏司郎中一人員外郎一人主事一人添設
武選郎中一人主事四人掌武官選陞襲替功賞之事
以贊尚書 獻徵錄明陳愷字企元弘治中授武選主
事歷員外郎郎中武選固劇司怨叢勢軋愷一意奉公
杜門自守蓋其任也久久則精而私弊盡絕其守也堅
堅故一而私謁不行一時武選稱得人大司馬鈞陽馬
公舉其屬謂愷可備方岳之任 又路迎字賓暘累至

兵部郎中與堂邑穆孔暉武城王道同師事王守仁專
務講學以相切劘以上 沈存中筆譚兵部員外郎范
祥請為鈔法令商人就邊郡入錢四貫八百售一鈔至
解池請鹽二百斤任其私賣得錢以實塞下省數十郡
搬運之勞此即開中給引之始 獻徵錄明許論字默
齋以少從父襄毅公進兄莊敏公誥文簡公讚習知邊
事及筮仕兵曹耳濡目染著為九邊圖論古未有也辛
賢父子相繼將軍祭彤兄弟並參師律厥有自哉繪寫
進呈上嘉納之付各邊行之以上員外郎

兵部郎中

設官部

兵部郎中

兵部郎中

古

增居外省兼職方 元微之行楊嗣復制兵部郎中二

名記云建炎中省冗職以之公務脩整 職事弛慢唐

兵部郎中并兼職方司 曰裴光庭轉兵部郎中沉靜少言寡交遊既歷清要人

未之許及在職公務脩整眾皆歎服 五代史曰梁蕭

愿宰相傾之子性淳謹承事父母未嘗不束帶而見然

嗜酒無節職事弛慢嘗為兵部郎中掌告身印頗怠職

事父傾為吏部尚書代 只秦決兵檄文增給驛鈔翰苑

愿視郎篆其散率如此 曰唐姚崇為夏官郎中契丹擾河北兵檄叢集崇奏決

若流武后賢之拜侍郎 元史曰趙孟頫至元中授兵

部郎中兵部總之拜侍郎 於前吏無以供給強取於民不勝其擾遂請於中書增

鈔給 吏幹有稱 襲官無滯 合璧事類曰唐李愷驟

明於稽按甚有當官之稱 獻徵錄曰明李學詩三遷

至武選郎中每逢選日即謝 人事竟日坐署中校其功

閱秋毫之奸無不燭照 有奸欺輒笞罵之曰若以我

為何等郎撓吾法者立死矣故掌選數年曹掾見之凜

凜而武吏以時襲官無 能益百姓之分掌二人肆考

所留滯 曰唐魏徵薦杜正倫為兵部員外郎太宗勞之曰朕舉

賢者非朕獨私以能益百姓也 六典云兵部員外郎

二人一掌射筒射皆待命以舉若州府歲貢皆勤貢文狀而

藝平射筒射皆待命以舉若州府歲貢皆勤貢文狀而

引試焉一人掌選院謂之 覈其實乃上三銓進用則書焉

書資歷考課必由之以 覈其實乃上三銓進用則書焉

具詳決功狀 條論互市 翰苑新書曰唐張嘉貞為兵

不能決嘉貞為詳處不閱旬而庭無稽牒 獻徵錄曰

明楊繼盛字仲芳遷兵部員外郎時咸寧侯仇鸞驟得

兵政驕且畏敵請於二邊互市馬仇鸞主之奉以中

國幣帛議遣使公乃上疏條論其不可五謬上壯之

仇鸞忮憤曰豎子目不知兵宜其易之乃密疏云壯

意遂中變下公錦衣獄貶狄道典史曰以上員外郎

望華兵部郎中三主輪 參魏棘之言曰馬哈兵重魏

增制唐蘇頲授李懷讓兵部郎中制曰具官李懷讓直

設官部 兵部郎中

方在心清而轉勁通明應務吏必兼文故能譽滿簪纓望華臺署鷓鴣作主雖參聽棘之言司馬訓兵重踐握蘭之任元稹授蕭祐兵部郎中制曰佐夏官理邦國以平不若辨九法九伐之重輕稽五兵五楯之衆寡非踐更臺閣從容聞望者不在茲位流品既清選任彌重具官蕭祐才行忠信達於予聞課吏陟明誕若攸職拾青紫於儒術擅金石之揮毫允謂賢能宜當慰薦賈至授敬羽武部員外郎兼殿中侍御史制曰敕某美才多適直道滅私通明可以斷疑貞固足以幹事自持風憲糾逖回邪不吐茹於剛柔有鷹鷂之搏擊與能褒美

俾轉臺端載執謙光思弘讓節宜遂其懇志退守本官增記宋周必大兵部郎官題名記曰本朝除郎之路雖廣而其要有三館閣一也寺監丞二也監司郡守三也近歲室其二卿監或可徑至而郎非歷監司郡守不可得其不輕而重也較然矣司馬列屬四中與初僅嘗備官建炎三年夏始以駕兼庫以兵兼職方其選清故平居無事多處文學之臣其權重故從軍若將命則往往假以為寵此其大略也善堂藏圖對巖大率辨初人類職方郎中員外郎附中今職方司原杜氏通典曰職方郎中按周禮夏官有職方氏掌天

下之圖辨九州之國歷代無聞至後周依周官隋初有
職方侍郎煬帝除待字武德中加中字龍朔二年改爲
司城大夫咸亨元年復舊掌地圖城隍鎮戍烽堠防人
路程遠近歸化道渠員外郎周官夏官職方上士
後周依周官隋改置與戶部員外郎同增翰苑新書
宋建炎三年并省冗職以兵部郎中兼職方文獻通
考曰職方掌天下地圖以周知方域之廣及城隍堡寨
烽堠之事蕃彝歸明內附之事續文獻通考曰明兵
部職方清吏司郎中員外郎一人主事一人添設
職方郎中一人主事四人掌地圖軍制城隍鎮戍簡練

征討關津之事以贊尚書考大數圖公吳彙彙爲選
增舊唐書曰韋溫字弘育姚勗知河陰縣嘗雪冤獄鹽
鐵使崔琪奏加酬獎乃令權知職方員外郎制出令勗
省止溫執奏曰國朝已來郎官最爲清選不可以賞能
吏上令中使宣諭言勗能官且放入省溫堅執不奉詔
乃改勗檢校禮部郎中翌日帝謂楊嗣復曰韋溫不放
姚勗入省有故事否嗣復對曰韋溫志在銓擇清流然
姚勗士行無玷梁公崇之孫自殿中判鹽鐵案陛下獎
之宜也若人有吏能不入清流孰爲陛下當煩劇者此

衰晉之風也。獻徵錄明劉大夏調職方郎中舉用守將有暮夜懷金謝之者却不受。又明練於天下事所奏覆多當上意。大司馬倚之。若左右手。志又臧應奎字賢。徵正德中授南兵部職方司。時中官以進貢多索船利私載糜金害民。奎悉裁省。官又周鳴字岐鳳陞職方員外郎。時方清理軍籍。職方多事。人謂鳴儒者必不勝其煩。及事至。剖決無滯。人始服其能。又鄭曉字室甫。授職方主事。日就省中。羅九朝故牘閱之。凡天下阨塞士馬虛實強弱之數。盡考覈而得其故。大司馬金公素重曉。屬之曰。子好學。幸爲我著九邊圖。公於是屬橐爲撰。

次圖志三十卷。士林爭傳之。又楊大章字章之。先改刑部主事。公論殊不厭。大章曰。吾方憂職之不稱。豈以刑部爲少耶。未幾。雲中兵亂。廷議選部僚。有才望者。副給舍往。大章乃改職方司主事。召募兵勇。布置悉當。要害人皆稱之。

增詩唐韋應物寄職方劉郎中詩曰。相聞二十載。不得展平生。一夕南宮遇。聊用寫中情。端服光朝次。羣列慕英聲。歸來坐粉闥。揮筆乃縱橫。始陪文翰遊。歡燕難久并。予因謬忝出。君爲沈疾嬰。別離寒暑過。荏苒春草生。故園茲日隔。新禽池上鳴。郡中永無事。歸思徒自盈。

增制唐常袞授杜寂職方郎中制曰敕具官杜寂端一其誠周通於事久於膳部頗有敏才亦既詳達不忘恭慎掌我方志宜從序遷賈至授李何忌職方員外郎制曰誥右補闕李何忌後進人物一時雋選或不承清緒多負美才或直言正詞有犯無隱或繡衣持斧擿伏擒姦或馳譽翰林文詞藻麗或知名吏道政事詳密在邦必達歷試有聞宜居鴛鴦之列俾弘準繩之紀當要

庫部郎中一

員外郎附

今武庫司

有太室赤備

原杜氏通典曰庫部郎中按周官有司甲掌戈盾弓矢之長各辨其物以待軍事魏尚書有庫部郎晉因之宋

庫部主兵仗

文帝宴會顧琛詭對兵仗見後事實

歷代或有或闕後魏北

齊庫部屬度支尚書掌凡戎仗器用後周有武藏中大

夫隋屬兵部初為庫部侍郎煬帝除侍字武德中加中

字龍朔二年改為司庫大夫咸亨初復舊天寶十一年

又改庫部為司庫至德初復舊掌軍器儀仗鹵簿法式

及乘輿等員外郎周官有司兵中士後周有小武

藏下大夫隋改置與戶部同增翰苑新書宋建炎三

年以駕部兼庫部 文獻通考曰庫部掌軍器儀仗鹵

簿法式隨軍防城什物及凡供帳之事 續文獻通考

曰明兵部武庫清吏司郎中一人員外郎一人主事一

設官部

增置員外郎

庫部郎中

七

人添設武庫主事二人掌戎器符勘尺籍武學薪隸之事以贊尚書文煇通書曰車將掌軍器對於內增南史顧琛字弘瑋遷尚書庫部郎元嘉七年文帝遣到彥之經略河南大敗悉委棄兵甲武庫爲之空虛文帝宴會有歸化人在座上問琛庫中仗猶有幾許琛詭辭答有十萬人仗舊庫仗秘不言多少上既發問追悔失言及琛詭對上甚善之唐國史補省中語云中行刑戶不博前行駕庫天中記宋江智深元嘉末除庫部郎中時高流官序不爲臺郎智深門孤援寡獨有此

選意甚不悅固辭不拜獻徵錄明李昆字承裕武宗時陞兵部武庫司郎中文曰吏檢庫中年久文卷獲一匣若貯金者漫無可稽吏密以白昆笑而不答乃會衆啓視之有金四百餘兩即移付公帑又王積字子崇進武庫司郎中故所隸風馬船千餘艘以備土供物郊廟香幣軍需甲仗者分屬諸衛每一船敝輒衛校士自補破產者相望至有雉經溺水以徇長年二萬餘散攝諸郡縣吏因緣爲隱匿至者僅六千人船日以減耗公既任武庫久熟計利弊十餘事上之部爲言於朝始以武庫餘羨水衡錢治船不以累衛校士而郡縣所隱匿

長年悉出為官用著為令。又陸震字汝亨陞武庫司員外郎吏曰宜持帕往謁印綬監震獨不往遂移疾欲歸官長日使人速出視事吏胥郎曹迭往催迫不得已復出視事。詩望至百載豈歸水以飲身平二萬鎰。增詩唐盧綸寄贈庫部王郎中時充折詩曰諤諤漢名臣從天令若春敘辭皆詔旨稱宦即星辰草木承風偃雲雷施澤均威懲治粟尉恩洽讓田人泉貨方將散京坻自此陳五營俱益竈千里不停輪未遠金門籍旋清玉塞塵碩儒推慶重良友頌公頻鶴髮逢新鏡龍門躍舊鱗荷君偏有問深感浩難申神即李昂字承谷在宗

增制唐賈至授趙良弼司庫員外郎制曰敕某以敬直方內義形於色蘊帷幄之謀略真士林之忠良元戎起行師出以律將謀韓厥之職宜選子方之智俾登仙署仍佐中權字白居易授衢州刺史鄭羣庫部郎中齊州刺史張士階祠部郎中制曰敕具官鄭羣等今之正郎班望頗重中外要職多繇是遷故其所選不得不慎羣與士階久典名郡謹身化下有循吏之風會課陟明宜當是選國之大事在祀及戎一掌祠曹一司武庫各須其要爾宜敬之。之官又百於相掌於於又百中車掌公

設官部
員外郎附
 今車駕司
 駕部郎中

原杜氏通典曰駕部郎中按周官夏官之屬有輿司馬
又有校人主馬之官又有牧師掌牧放又有巾車掌公
車之政及王之五路此皆駕部之本也魏晉尚書有駕
部郎宋時駕部屬左民尚書齊亦有之後魏與北齊並
曰駕部郎中後周有駕部郎中大夫屬夏官隋初為駕
部侍郎屬兵部辛公義為駕部侍郎勾檢馬牧所獲十
萬餘匹文帝喜曰惟我公義奉國竭忠
煬帝除侍字武德三年加中字龍朔二年改為司輿大
夫咸亨初復舊天寶中改駕部為司駕至德初復舊掌
輿輦傳乘郵驛廢牧司牛馬騾驢闌遺雜畜開元十八
年閏六月敕比來給傳使人為先傳馬事頗勞煩自今

以後應承傳者宜給紙券二十三年十月敕新給都督
刺史並關三官州土佐並給驛發遣二十八年六月敕
有陸驛處得置水驛自二十年以後常置館驛使以他
官為之書員外郎 周官有輿上士後周有小駕上士
蓋其任也至隋置與戶部同增續會要曰宋駕部司
事一人以無職事朝官充輿輦車乘隸於太僕傳驛給
受出於樞密院廢牧之政總於羣牧司本司無所掌元
豐改制郎中員外郎始實行本部事其文獻通考曰駕
部掌輦輅車乘廢牧雜畜乘具傳驛之政令辨其出入
之數建炎三年詔并太僕寺隸焉太僕有騏驎車輅二

院

左右驎院監官二員以武臣充掌司國馬總教駁四指揮之眾以養餵諸馬每一指揮百人為額

輅院掌供乘輿法物

車題名記隆興初復裁內外官於是駕部又

當省而郎適贊讀王府有詔聽留需其遷勿補厥後間或並置要為有故而一員之制定矣續文獻通考明

兵部車駕清吏司郎中六人員外一人主事一人添設

車駕郎中一人主事二人掌輦乘衛守廩牧傳郵之事

以贊尚書員外郎周官冢與土士於冢心置土士

百初駕部郎中不親自二十五年以常置設

增職官分紀北齊馮子琮為駕部郎中攝庫部孝昭帝

閱簿領試令口陳子琮聞對無有遺失唐李靖在隋

為駕部員外郎左僕射楊素拊床謂曰卿終當至此

唐崔元亮字晦叔為駕部員外郎清謹介特意澹如也

天中記王翰字子羽并州人長史張嘉貞厚遇之翰

自歌以舞屬嘉貞神氣軒舉自如張說至禮益加舉超

拔羣類擢為駕部員外郎家畜聲伎目使頤令自視王

侯人莫不惡之常袞駕部郎中制從容管劇每識通

而理當唐書畢誠字存之為駕部員外郎故事要家

勢人以倉駕二曹為辱誠沛然如處美官

增詩唐鄭谷送駕部鄭郎中三十八丈曰香浮玉陛曉

辭天袍拂蒲茸稱少年郎署轉曹雖久次京河亞尹是

設官部

州監領函卷八

駕部郎中

優賢縱游雲水無公事貴買琴書有俸錢今日龍門看
松雪探春明日向平泉白居易贈駕部吳郎中白幽
閒靜境別無事惟有南宮老駕兄

淵鑑類函卷八十員外郎宋書卷八十一員外郎
自始以職屬真負軒原陳君自收聚歸之野益以舉跋
天中信王傳字子昂其州人其史其真負真臨之饒

淵鑑類函卷八十員外郎宋書卷八十一員外郎
自始以職屬真負軒原陳君自收聚歸之野益以舉跋
天中信王傳字子昂其州人其史其真負真臨之饒

淵鑑類函卷八十員外郎宋書卷八十一員外郎
自始以職屬真負軒原陳君自收聚歸之野益以舉跋
天中信王傳字子昂其州人其史其真負真臨之饒

淵鑑類函卷八十員外郎宋書卷八十一員外郎
自始以職屬真負軒原陳君自收聚歸之野益以舉跋
天中信王傳字子昂其州人其史其真負真臨之饒

淵鑑類函卷八十一員外郎宋書卷八十一員外郎

設官部二十一員外郎附侍郎附都官郎中員外郎附

比部郎中員外郎附比部郎中員外郎附

刑部尚書一侍郎附

原杜氏通典曰唐虞之際士官以正五刑周禮秋官大

司寇掌邦之三典以佐王刑邦國蓋其任也漢成帝時

尚書初置二千石曹主郡國二千石又置三公曹主斷

獄後漢光武改三公曹主歲盡考課諸州郡政二千石

曹掌中都官水火盜賊詞訟罪法亦謂之賊曹重於諸

曹華譚集尚書二曹論曰劉道真問薛令長在吳何官
答曰為吏部尚書問曰吳待吏部何如餘曹答曰並

設官部刑部尚書

通高選吏部特一時之俊劉難曰今吏部非為能刊虛名舉沈朴者故錄已成人位處三署聽採公卿論而用之耳無煩乎聰明賊曹職典刑獄刑獄難精是以欲重之答曰今日之賊曹不能聽聲觀色以別真偽縣不能斷讞之尚書也夫在獄者率小人在朝者率君子小魏人易檢君子難精俱不得已吏部宜重賊曹宜輕也

青龍二年置尚書都官郎佐督軍事晉復以三公尚書

掌刑獄宋三公比部皆主法制又置都官尚書主軍事

刑獄領都官水部庫部功論四曹齊梁陳並有都官尚

書後魏亦有都官尚書北齊都官統都官掌畿內非二

千石掌畿外比部水部膳部五曹又有三公曹掌諸曹

囚帳斷罪赦日建金鷄等事又掌五時讀時令屬殿中

尚書後周有秋官大司寇卿掌刑邦國其屬官又有刑

部中大夫掌五刑之法隋初有都官尚書開皇三年改

都官為刑部尚書統都官刑部比部司門四曹亦因後

周之名唐因之龍朔二年改刑部尚書為司刑太常伯

咸亨元年復舊武后改刑部為秋官神龍初復舊天寶

中改為憲部至德初復舊總判刑部都官比部司門事

增文獻通考曰宋刑部判部事二人以御史知雜以

上或朝官充淳化二年以刑部覆大辟案增置審刑院

知院事一人以郎中以上至兩省充詳議官以京朝凡

官充掌詳讞大理所斷案牘而奏之治所在右掖門四方以刑獄來主則讞於審刑院大中祥符二年置糾

察在京刑獄司糾察官二人以兩制以上充詳元豐三

設官部

刑部尚書

刑部尚書

二

年并歸刑部五年官制行刑部始專其官續文獻通考曰遼北面有夷離畢院掌刑獄之事視刑部南面刑部尚書下並同吏部金刑部尚書一員正三品元制刑部尚書三員正三品掌天下刑名法律之政令凡大辟之按覆繫囚之詳讞收孥產沒之籍捕獲功賞之式寃訟疑罪之辯獄具之制度律令之擬議悉以任之中統元年以兵刑工為右三部至元元年析置工部而兵刑仍為一部七年始別置刑部尚書明初沿唐宋之制設刑部尚書侍郎之職掌天下刑名及徒隸勾覆關禁之政令仍屬中書省洪武十三年革中書省陞六

部每部分四子部刑部屬有四曰憲部曰比部曰司門部曰都官部二十三年因天下庶務浩繁改為十二部曰浙江江西福建山西山東北平四川湖廣河南陝西廣東廣西各令清理一布政司刑名等事其雲南布政司隸陝西部仍量其繁簡帶管直隸府州并在京衙門每部仍分憲比司門都官四科以領其事永樂十九年定鼎北京革北平清吏司增置雲南貴州交趾三清吏司宣德十年革交趾司附浙江司帶管永為定制尚書侍郎即大小司寇之職刑暴亂除邪說誅背逆黜貪濫弼教輔治使刑期無刑類非公明敬密者不足勝

此刑部改置北京肇自永樂辛丑原杜氏通典曰侍郎按周官小司寇中大夫蓋今任也後周依周官至隋煬帝置刑部侍郎唐因之龍朔二年改為司刑少常伯咸亨元年復舊他時曹名或改而官號不易掌律令定刑名按覆大理及諸州應奏之事**增**文獻通考曰宋侍郎舊制定奪審覆除雪敘復移放尚書專領之若制勘體量奏讞糾察錄問長貳通治之中興長貳互置隆興常置一員淳熙依崇寧專法奏獄及法令事請大理寺官赴部共議續文獻通考曰遼南面刑部侍郎同吏部金刑部侍郎一員正四品元刑部侍郎二員

審明刑部左右侍郎各一人附錄官以坐罪未幾長刑部尚書二附錄官以不用言附錄王父五公曾

增左傳鄭子曰爽鳩氏司寇也曰周禮曰大司寇之職掌建邦之三典以佐王刑邦國詰四方一曰刑新國用輕典二曰刑平國用中典三曰刑亂國用重典周官曰司寇掌邦政詰奸慝刑暴亂容齋隨筆曰易六十四卦而以刑罰之事著於大象者凡四焉噬嗑曰先王以明罰敕法豐曰君子以折獄致刑賁曰君子以明庶政無敢折獄旅曰君子以明慎用刑而不留獄噬嗑旅上卦為離豐賁下卦為離離明也聖人知刑獄為人司

設官部

刑部尚書

刑部尚書

日

命故設卦觀象必以文明為主而後世付之文法俗吏何耶南史曰羊侃為都官尚書尚書令何敬容用事與之並省未嘗遊造左衛蘭欽同侍宮宴詞色少交侃於坐折之曰小子汝以銅鼓買朱异作父韋粲作兄何敢無儀適朱時在席後宦者張僧胤候侃侃曰我牀非闍人所坐竟不前之時論美其貞正唐書崔隱甫潔介自守以強正稱為刑部尚書帝欲相之因曰牛仙客可與語卿常見否對曰未也帝曰可見之隱甫終不詣他日又問對如初帝乃不用 言行錄王文正公曾在審刑日建議違制無故失須親被旨乃坐罪未幾外郡

有以具獄讞聞章聖俾以違制坐之公請以失論上可其奏東都事略曰宋燕肅字穆之知審刑院先是天下疑獄雖聽奏而州郡懼得罪不敢讞故冤獄常多肅建請諸路疑獄皆聽讞有不當者釋其罪自是全活者眾五金史曰納合椿年為叅知政事薦紇石烈良弼才出已右用是為刑部尚書海陵曰左丞相張浩練達事務而頗不實刑部尚書婁室言行端正無所阿諂因謂椿年曰卿可謂舉能矣常人多嫉勝已者卿舉勝於已者賢於人遠矣婁室良弼本名也元史曰阿魯圖平章政事與僚佐議除刑部尚書宰執有所舉或難之曰

此人柔軟非刑部所可用阿魯圖曰廟堂即今選僧子
耶尚書欲其詳讞刑牘若不在人不壞法即是好刑官
何必求強壯人耶左右無以答明獻徵錄曰錢唐字
惟明洪武中陳王道數千言雅稱太祖意特授刑部尚
書一日召講虞書升座而講或糾唐草野不知君臣禮
唐正色曰以古聖王之道陳於陛下不跪不爲踞又
陸瑜爲刑部尚書十五年明習法令而無煩碎之失練
達典章能斷大事又杜銘改刑部尚書憲宗在位久
明習政事尤慎重刑獄公時教飭其屬吏以人命至重
勿以喜怒用法度足以正邦典而彰聖德一時用刑號

稱平允又白昂陞刑部尚書心素厚斷獄不苟嘗曰
秋霜之肅何如春陽之和乎又楊志學字遜夫遷刑
部尚書刑部獄詞既經侍郎詳定尚書多不覆視惟死
罪始自裁決公答以上皆親覽中涓有擊死官屬又不
赴逮者公奏置之法有鉅商犯法當死挾重貨祈少緩
其事不能得謂人曰楊翁無路可通也以上尚書周禮曰
小司寇之職掌外朝之政以致萬民而詢焉又曰以
三刺斷庶民獄訟之中又曰正歲帥其屬而觀刑象
令以木鐸曰不用法者國有常刑令羣士乃宣布於四
方憲刑禁唐職林曰有大獄即命御史中丞刑部侍

郎大理卿充謂之三司使大舊唐書曰奚陟字殷卿遷刑部侍郎裴延齡惡京兆尹李充有能政專意陷害之誣奏充結陸贄數厚賂遺金帛充既貶官又奏充比者妄破用京兆府錢穀至多請令比部勾覆以比部郎中崔元翰陷充且惡贄也詔許之元翰曲附延齡劾治府史府史到者雖無過犯皆笞決以立威時論喧然陟乃躬自閱視府案且得其實具獄上充得免元翰既不遂其志因此憤恚而卒唐書曰劉瑒遷刑部侍郎乃哀彙敕令可用者由武德訖大中凡二千八百六十五事類而析之叅訂重輕號大中刑律統類以聞法家推其

詳又柳公權爲刑部侍郎召問得失因言郭旼領邠寧人謂獻二女乃有是除信乎帝曰女自叅承太后豈獻哉公權曰嫌疑間不可戶曉因引王珪諫廬江王妃事是日帝命中官自南內送女還旼家東都事略曰范百祿字功父除刑部侍郎有以強盜及故殺鬪殺情可矜者讞於朝法官援例貸免司馬光曰殺人不死則法廢矣百祿曰謂之殺人則可制刑而以爲不疑原情而以爲無可憫則不可百祿在刑部用法多平反遷吏部侍郎言行錄張文忠公九成兼刑部侍郎一日法寺以成案上大辟公閱首末得其情因請覈實因果誣

服者也奏黜之時法官抵罰而朝論欲以平反為賞公
 辭曰職在詳刑而賣眾以邀賞可乎明獻徵錄曰衛
 道正德中累官刑部右侍郎清直之操終始不渝又
 曰劉季篾為刑部侍郎獄多平反尤重人命侍郎

刑部尚書三言對何贊免何黑火曰婦人不取限

增敬獄 正刑 周書云司寇蘇公式敬爾由獄以長我

獄訟聽之於棘木之南詰四方禮王制云司寇正刑明辟以聽

刑部尚書制云弼刑部尚書制云弼 詰姦慝 聽獄訟 周官云司寇掌

我五教掌茲三典刑部尚書制云弼 詰姦慝 聽獄訟 周官云司寇掌

暴亂 下詳 覆獄 欵欵 上疏 激切 唐書曰劉詳道

每覆大獄必欵欵累奏決之日為之不食又曰顏

真卿為檢校刑部尚書永泰中元載引用私黨請百官

凡欲論事必先李白長官長官白宰相然後奏聞真卿上

疏曰天寶以後李林甫威權日盛羣臣有不先咨宰相

輒奏事者不過託以他故中傷猶不敢明約百司令先

白宰相如今日之事曠古未有陛下不早覺悟漸成孤

立矣其激 斷姑鞭婦 議盜殺黨 又曰柳公綽為刑

切如此 姑鞭婦至死者府斷以償死公綽議曰尊毆卑非鬪且

其子在以妻而戮其母非教也竟得減死言行錄曰

宋韓忠獻公琦知審刑院先是盜殺同黨既自已就捕

例不抵死公曰此但并有其貲或就滅其口非有自新

改過之心無足矜者請更議其法乃 不撻令史 無

詔盜殺其徒黨而自首者毋得原 既而謂曰我欲捶汝天下人必謂汝能擦李日知怒欲捶之

李日知杖不得比於人妻子亦將棄汝矣遂釋之吏皆

感悅無敢犯者言行錄曰宋蘇頌知審刑院時知州

張仲宣受財枉法抵死法官援前比貸死杖脊黥配海

島公奏古者刑不上大夫今刑為徒隸恐汚辱衣冠

仲宣由是得免杖黥止流海外自是命官無杖黥者

設官部 刑部尚書

著座右銘 作期無軒 獻徵錄曰明端木復洪武中超

持以平恕常著座右銘曰為官實難貧然後安事有不

可急中存寬又曰心契上天脚踐實地又周雍陞刑

部尚書作期 學外舅為政 與宰相爭議 金史曰越

無軒自警 定十五年除刑部尚書上曰侍郎張汝霖汝外舅也

學為政 又曰高德基字元履皇統中轉刑部尚書有

犯罪當死者宰相欲從末減德基曰法無二門尚書諭之

失入也 不從及奏上曰刑部議是也 因召諸尚書諭之

曰自朕即位以來與宰相爭是非者德基一人而

已自今部上省三議不合即具以聞 同以上尚書

聽 八辟 一曰周禮云小司寇之職以五聲聽獄訟求民情

曰目聽 又云小司寇以八辟麗邦法附刑罰一曰議

親之辟二曰議功之辟六曰議貴之辟 賢之辟四曰議能之辟

五曰議勤之辟八曰議賓之辟 小司寇 中大夫 云

七曰議功之辟 小司寇 中大夫 云

小司寇之職掌外朝之政詳前一通典 妙選道裕

六曰典云周之秋官小司寇中大夫 妙選道裕

宣授栖楚 唐書曰太宗時刑部侍郎有闕令執政妙擇

作少監李道裕議張亮反形未具此言當矣雖不即從

至今追悔遂以此闕授道裕 又曰穆宗寶曆初宣諫

議大夫劉栖楚為刑部 諫迎佛骨 奏斥伶人 又曰

時韓愈為刑部侍郎上遣使至鳳翔迎佛骨入禁中愈

上表切諫 灑水燕談云宋元祐中駕幸凝祥池宴從

臣伶人以先聖為戲刑部侍郎孔宗翰奏云唐文宗時

嘗有為此戲者詔斥去之 今日豈宜有此詔付伶官於

理 無愧吾心 以資吏治 遷刑部侍郎明廖莊字安止

親或勸稍謝往來以遠嫌議莊笑曰臣門如市臣心如

水吾無愧吾心而已 又曰陳璋起刑部左侍郎日以

律法與諸屬講明故一時多招議凡入仕者咸用以資吏

其舊稟壽諸梓名曰比部招議凡入仕者咸用以資吏

治 侍郎 刑部尚書四

設官部 刑部尚書

增嘉石肺石

周禮云以嘉石平罷民凡萬民之有罪過

嘉石役諸司空以其長弗達者立於肺石近者桎梏而坐諸

正月觀刑象

乃縣刑象之法於象魏使萬民觀刑象

秋典

超司秋典蓋嘗為憲部尚書

天臺刑官

臺仍參刑官之重

真正息妖

南史云徐孝克陳貞明元年

典司邦禁

豐南

擬制中臺

貞正息妖

書官僚皆攜家屬居省在臺城內下舍中門有閣道東

西跨路通於朝堂其第一即都官省西抵閣道年代久

遠多有鬼怪每夜昏之際無故有聲光或見人著衣冠

從井中出須臾復沒或門閣自然開閉居多死亡尚書

周載妖變皆息時人咸以為貞正所致

兩載妖變皆息時人咸以為貞正所致

曰李適之拜刑部尚書夜則

賜黃金腰帶

宴賞畫決公務庭無留事

賜黃金腰帶

部尚書國制新君即位必賜諸王駙馬如主及宿衛官

吏金帛答里麻曰必唱名給散無虛增之數國費大省

帝復賜黃金腰帶

帝復賜黃金腰帶

加諫議大夫入謝賜以危酒讓痛飲之帝曰人言老尚

書不飲何飲耶讓曰君賜不敢違也少頃醉不能立命

扶出之翼日讓謝帝

刑曹不責稽遲

曰老尚書誠不讓也

刑曹不責稽遲

按不如此程令下謝讓曰刑獄非錢穀銓選之比寬以歲

月尚慮失實豈可律以常法乎乃入白宰相曰尚書言

是也

是也

獨得不由是刑稽遲

片言中理

端嚴寬厚臨大事決大

遣賑賜詩

疑片言中理朝野重之

遣賑賜詩

書值山東饑遣質往賑賜以御製詩云遣卿持檄按山

東念爾賢勞久著功經國老臣勤撫恤行天使者起疲

癘官儲有粟宜從賑囊橐無私任至公七十

白雲司

裴復除制云俾踐白雲之司

薦宰相材

以黃帝時秋官為白雲也

薦宰相材

設官部

刑部尚書

之宰相材召為洛州司馬仁傑曰臣薦宰相而
 為司馬非用也乃授司刑少卿遷秋官侍郎
 如神舊唐書曰王播字明敷轉刑部侍郎播長於吏術
 下多故法寺議獄科條繁雜播備舉前後格條置
 之座右凡有詳決疾速如神當時屬僚歎服不暇
 亡珠罪為國史本傳曰宋呂公孺夷簡子字雅卿元祐初
 主者不一前後代者未嘗以服御相授且諱日宮嬪往
 還不一有所亡失豈可指意吏卒獄雖具非聖裁不可
 上深以然上疏請例獄門下省多駁正當貸者百祿屢
 為然上疏請例獄門下省多駁正當貸者百祿屢
 以告執政言上有詔例在者悉取還中
 書百祿上疏論之悉如所請自是例歸刑部
 執政議東都事略曰彭汝礪字器資元祐中遷刑部侍
 執政異徒犯在赦前元史曰曹伯啓字士開延祐中
 禮部侍郎召刑曹官屬問曰西僧訟某之罪何為久弗治
 政一日召刑曹官屬問曰西僧訟某之罪何為久弗治
 衆莫敢對伯啓從容言曰犯在赦前丞相雖甚怒莫之

奪也
 上侍郎
 增箴明宣宗刑部箴曰聖人制刑輔治弼教掌邦之禁
 惟仁之蹈咨爾刑部卿佐暨屬惟公乃明惟明能燭匪
 廉弗公勉篤于行惟敬惟慎毋忘哀矜死獄求生何昔
 之德移情就律何今之刻深文巧詆實民之賊如鑑如
 衡刑乃弗忒毒威以逞下情鬱堙私意以行枉直失真
 司命之寄豪絲罔僻罪疑惟輕庶鮮冤抑天不可違民
 不可罔斷不可續應則如響往體予仁欽哉勿渝庶幾
 祥刑有永令譽

設官部
 刑部尚書
 刑部尚書

增制唐李嶠授豆盧欽望秋官尚書制曰天作機衡實
惟北斗朕之喉舌其在南宮揆德而居非才莫可具官
豆盧欽望踐仁履義抱質含文出莅藩臬具聞威惠入
為朝諫多所弘益外府國泉雖藉幹用中臺天憲更資
明允宜膺尚德之舉令踐詰姦之位實蘇頲授李乂刑
部尚書制曰王命司寇汝作士師允迪政刑旁求望實
具官李乂恒碣之寶衣冠之華業總四科才抱九德為
邦理要洞入精微當代詞雄居成準的忠義得在公之
體清脩稟行已之用紫泥掌誥雖密王言黃沙定罪是
懸人命眷茲欽恤尤賴簡孚俾回迹於西垣宜正名於

北斗水賈至授房瑄刑部尚書制曰蠻夷猾夏舜命繇
作士琳功邁德黎民懷之周官太司寇亦以五刑糾萬
民之命邦典定諸侯之獄明德慎罰先王至理具官房
瑄文行可濟於時直言能匡其國獻可替否翼亮先朝
今寇賊初滅蒼生凋弊議獄緩死刑期無刑是用採人
望於舊臣舉國楨於元老俾掌三典以弼五教庶不仁
者遠姦宄道消尚德優賢仍加八命對孫述授裴敦復
刑部尚書制曰六卿分職朝選猶難三典佐王邦寄尤
重具官裴敦復深沈偉量磊落宏才頃者巡撫江徼肅
清姦宄功實簡心賞宜超等委之刑柄俾踐白雲之司

都官曹皆掌刑罰獄訟之事歷代沿革或為侍郎或置

郎中例在吏部郎中篇後周有小刑部下大夫屬秋官府隋初

置刑部侍郎煬帝除侍字又改為憲部郎武德三年改

為刑部郎中龍朔二年改為司刑大夫咸亨元年復舊

與侍郎同員外郎隋文帝置刑部員外郎煬帝改

為憲部承務郎武德三年改為刑部員外郎其後曹改

而官不易增文獻通考曰宋郎中二人分左右廳掌

詳覆敘雪之事建炎時郎中二員職無分異紹興時詔

依元豐舊法分廳治事左以詳覆右以敘雪使官各有

守人各有見叅而任之續文獻通考曰遼南面刑部

郎中員外郎並同吏部員金刑部郎中一員從五品員

外郎二員從六品主事二員從七品元制刑部郎中

二員員外郎五員後省為二主事大德三年置司程官

四人韓明刑部其屬浙江江西湖廣陝西廣東山東福

建河南山西四川廣西貴州雲南十三清吏司各郎中

一人主事二人添設司主事一人漕運理刑主事一人

各掌其分省及兼領京府直隸之事以贊尚書凡宗室

勲戚官吏軍民蠻夷麗於法者詰其詞察其情偽而比

其罪之重輕必傳律例律六百有六條例凡三百七十

有六條律例所不及者比而議請焉

刑部郎中二

增職類云魏有定科郎晉賈充定科令以裴楷爲之十
九朝通略云元祐元年三省言中書置刑部檢例官從
之獨刑部郎劉賡上疏言元豐官制以例藏刑部可比
則取鈔不可則取旨今中書置刑房檢官非故事也詔
如所請而例復藏刑部自是中外奏讞無所避矣時長
編曰韓晉卿擢刑部郎中天下大辟請讞執政以爲煩
將劾不應讞者晉卿適白事省中因曰讞不至矣議者
欲天下獄悉從奏決晉卿曰恐罪人之死於獄多於伏
辜者皆從之並金史曰賈少冲字若虛大定中累遷刑

部郎中往北京決獄奏誅首惡誤牽連其中者皆釋不
問全活凡千人以本職攝右司員外郎嘗執奏刑名甚
堅既退上謂侍臣曰少冲居下位有守如此 又張汝
霖少聰慧父浩嘗稱之曰吾家千里駒也大定中除刑
部郎中召見於香閣諭之曰卿以待制除郎中勿以爲
降朕以刑部關漢官故以授卿且卿入仕未久姑試其
能耳如職事脩舉當有陞擢爾父太師以戶部尚書陞
諸相位由崇德大夫躡遷金紫卿所目覩也當旣厥心
無忝乃父曰又卜天璋字君璋仁宗召入見時興聖太
后在座帝指曰此不貪賄卜天璋也因問今何官天璋

對曰臣待罪刑部郎中復問誰所薦者對曰臣不才誤蒙擢用帝曰先朝以謝仲和為尚書卿為郎中皆朕親薦也汝宜奉職勿怠即以中書刑部印章付之禮獻徵錄曰明曾暈字時升為刑部郎中時或語以造大臣門公卿可立致公笑而不應其執法未嘗少徇或謂非保身保家之道公曰吾所知者法耳他非所恤也又詹鼎字國器洪武中為刑部郎中刑部郎佐僚未完有司請除吏丞相曰刑部有詹鼎在勝百輩其見稱如此又朱恩字汝承遷刑部員外郎居官遜志吏事不通問謁出入扃節門戶有關門朱郎中之稱至聞於孝皇不

又杜銘字敬脩景泰中歷階刑部郎中他司郎中缺嘗兼領其事至晚他司吏往往抱三四印歸公家公愈謙退不伐眾益賢之以上郎中唐職林云有大獄以刑部員

外郎御史大夫大理寺官為之以決疑謂之小三司使天中記曰唐德宗時盧南史坐事貶信州司馬至郡准例得聽吏一人每月請紙筆錢一千文刺史姚驥初奏以為贓又劾南史買鉛燒黃丹德宗遣御史鄭楚相刑部員外郎裴解大理評事陳正儀充三司同往按鞫裴解獨奏曰臣按姚驥奏狀事非巨蠹上曰燒鉛何如解曰燒鉛為丹格令不禁今忽錄此小事令三司使往

恐遠方聞之各懷憂懼臣堪任此行即請獨往德宗欣然曰卿言是矣又令狐峘大曆中改刑部員外郎德宗即位將厚奉元陵峘上疏諫略曰臣讀漢書劉向傳見論王者山陵之誠良史稱歎萬古芬芳詔答曰朕頃議山陵心方迷謬卿聞見該通識度弘遠深知不可形於至言非惟中朕之病抑亦成朕之躬免朕獲不子之名皆卿之力也敢不聞義而徒收之桑榆奉以始終期無失墜古之遺直何以加焉金史曰韓鐸字振女企先次子也遷刑部員外郎海陵遣中使諭之曰郎官高選也汝勲賢之子苟能夙夜在公當不次擢用雖公相

可到鐸感奮獄或有疑據經議讞獻徵錄曰吳一鵬武宗時爲南刑部廣東司員外郎司事最劇而公詳敏仁恕囚皆感服僚友取獄詞讀之驚曰老吏筆也又何喬新字廷秀改刑部主事盡心庶獄無大小必求其情遷廣東司員外郎錦衣衛隸廣東司其官校恃侍衛親軍恣橫冒禁法司每優容之公曰法者天下之公也有犯輒捕不少貸由是官校悚懼相戒不敢犯又陳璋字宗獻授刑部主事時司寇張公子麟精法律屬多難之璋曰士而不讀書謂之廢學官而不讀書謂之曠官况生死人乎乃研求法意至忘寢食有疑難親爲註

解遂以法家名歷員外郎中有恤刑錄行於世以上員

職之刑部郎中三齋書監之職掌官而不齋書監之職

增掌律法治獄事唐書曰郎中員外郎掌律法按覆

之政令而郎中員外郎分治其事獄白雲司職又丹

筆議刑重白雲司職人命是懸曰五禁天四難周禮

師之職掌國之五禁之法以左右刑罰以五戒先後刑

罰母使罪麗於民元稹行馮宿刑部郎中制曰亟則

失情緩則留獄深則礙怨縱則硬黃板陳曰黃紱

失姦惟是四者持刑之難也硬黃板陳曰黃紱

字用章正統間為刑部郎中清謹守法門無私謁都人

陳道字德脩歷員外郎郎中清謹守法門無私謁都人

因有板郎位不調東縣官即除唐書曰蔣沆以刑部

陳之號郎位不調東縣官即除唐書曰蔣沆以刑部

持政守道士類不遷沆以故滯郎位不調常袞代相聞

士議恨沈屈故擢御史中丞滯郎位不調常袞代相聞

嘗為高密令大定初尚書省擬邦基刑部郎世宗曰縣

官即除郎中太師張浩曰邦基前為兵部員外郎矣且

其人材可士師下大夫西曹外翰林詳郎中

用上許之士師下大夫西曹外翰林詳郎中

云嘉靖間李攀龍王世貞徐中行輩俱官西曹相聚論

詩建白雲樓於四川司中榜諸君詩李警句云諸山城

上出落日署中寒時人目刑披閱成績考鏡古行

部為外翰林以上郎中刑披閱成績考鏡古行

遼史曰奕赫抵雅爾丁字太初擢刑部員外郎四方所

夫陞南刑部員外郎比情執法不避權貴文號七才子

政暇閉戶讀書并稽古行實以自考鏡文號七才子

掌三法司又曰梁有譽字公實歷刑部主事負英涵

楊茂元字志仁授刑部陝西司主事練習法比大司寇

林公聰大器之部政有干三法司者悉令兼理人謂之

蓋慎選也不換省郎他職當知國朝舊典宋至道

為刑部員外郎西川安撫奏云望授昱諸司使知雅州

上以省郎之重不欲換他職故進秩加賜命服而遣

設官部刑部郎中

刑部郎中

獻徵錄曰明陸瑜除刑部山西司主事尋遷員外郎時郎中仲閔每舉洪武永樂間法比沿革告公且曰子他日必大用不可不知國朝舊典也故公於律例條格究心焉及公大用每舉仲君之言戒勵屬官以上員外郎

增制唐杜牧授李朋刑部員外郎李從晦都官員外郎等制曰書曰庶獄庶事予罔敢知此乃周文王之所以理天下也惟獄惟事會於南宮求郎之難豈敢輕易具官李朋能積行實發其詞華勁正端慎官業克舉具官李從晦宗室子弟美秀而文嘗經歷滯不改堅白今者取自憲府擢於幕吏各有所授皆為清秩當自宣室受讞之際思滿堂飲酒之言至於刑章尤繫念慮予曰罪

爾勿罪予曰寬爾勿寬問法何如無即上意各宜勉勵勿自輕急

都官郎中 員外郎附

原杜氏通典曰都官郎中按漢司隸校尉屬官有都官從事掌中都官不法事後漢又改尚書二千石曹掌中都官水火盜賊魏青龍二年始置尚書都官郎佐督軍事晉宋尚書都官兼主刑獄 歷代事具尚書中其官例在吏部郎中 後周則曰司厲隋初為都官侍郎掌簿錄配役官司奴婢良賤訴競俘囚等事煬帝除侍字置員外二人武德三年加中字減一人龍朔二年改為司僕大夫咸亨元年復

設官部

刑部

都官郎中

七

舊掌簿斂配役官奴婢簿籍良賤及部曲客女俘囚之事
 員外郎按周官有私屬下士蓋並今任也後周
 依焉隋改置與戶部同增六典曰後周置司隸掌諸
 奴男子入於罪隸女子入於春饘音熾之事即今都官之
 任也唐書曰都官郎中員外郎掌俘隸簿錄給衣糧
 醫藥而理其訴寃南部新書省中司門都官屯田虞
 部主客皆閒簡無事諺曰司門都官屯田水部入省不
 數唐分紀鄭谷為都官郎中作詩自賀且為序云故
 許昌薛尚書能嘗為都官郎中後數歲故建州李員外
 頰自憲府內彈拜都官員外郎皆一時騷雅宗師都官

之曹振盛於此余早年請益實受深知今忝此官復是
 正秩詩話鄭谷詩名盛於唐末號雲臺編世但稱鄭
 都官詩梅聖俞官亦至都官劉原父戲之曰聖俞官止
 此昔有鄭都官今有梅都官文獻通考曰宋都官掌
 在京百司吏職補換更替或以功過展減磨勘則依條
 制行之諸路州軍編配羈管等人置冊以記其在亡建
 炎三年詔比部兼司門隆興初詔都官比部各置一員
 自此都官兼比部司門之事彙苑詳註宋都官判司
 事一人以無職事朝官充凡俘隸簿籍分領於他司本
 司無所掌元豐改制郎中員外郎始實行本司事叅掌

徒流配隸及吏籍之事列案四軍將案吏籍案配籍案

知雜案宋周益公集建炎初滕庾擢都官員外郎時

庶事草創賞功補副尉者不可勝計以致是非混淆公

於是隨事爬梳聞諸朝嚴其籍明制見尚書內

增詩唐鄭谷詩曰都官雖未是名郎踐歷曾聞薛許昌

復有李公陪雅躅豈宜鄭子忝餘光榮為後進趨蘭署

喜拂前題在粉墻他日節麾如可繼不嫌曹冷在中行

比部郎中 員外郎附

原杜氏通典曰比部郎中按魏尚書有比部曹晉因之

宋時比部主法制齊梁陳皆有比部曹後魏亦然北齊

掌詔書律令勾檢等事後周曰計部中大夫蓋其任也

隋初為比部侍郎煬帝除侍字武德中加中字龍朔二

年改為司計大夫咸亨元年復舊天寶十一年又改比

部為司計至德初復舊掌內外諸司公解及公私債負

徒役工程贓物帳及勾用度物 員外郎 改置與戶

部員外郎同 **增**魏志何損之奏許都賦魏明帝奇之

擢為比部郎 國史補比部得殿下食以飲從者號比

盤 唐制天下財賦皆納左藏庫大府四時以數聞尚

書比部郎覆其出入 續會要比部掌勾籍天下文帳

周官宰夫所謂乘其財用之出入也 唐德宗知武元

設官部

比部郎中

比部郎中

三

衡才名召授比部員外郎。尚書故實杜牧頃於宰執求小儀不遂請小秋又不遂嘗夢人謂曰辭春不及秋昆脚與皆頭後果得比部員外郎。文獻通考曰宋比部掌勾稽文帳周知百司給費之多寡凡諸倉場庫務收支各隨所隸以時具帳籍申上比部驅磨審覆而會計其數諸受文曆每季終取索審覈事故住支及贓罰欠債負則追索填納無隱昧則勾銷除破。彙苑詳註宋比部判司事一人以無職事朝官充凡勾會內外賦斂經費出納逋欠之政皆歸三司勾覆磨勘理欠司本司無所掌自治平至熙寧錢帛芻粟虧損不可勝數遂

置提舉帳司領之元豐官制行釐其事歸比部郎中員外郎始實行本司事列五案勾覆案磨勘案理欠案憑由案知雜案建炎三年詔都官郎中並權比部郎中

明制見尚書下

增詩唐杜甫贈比部蕭郎中詩曰有美生人傑由來積

德門漢朝丞相系梁日帝王孫蘊藉為郎久魁梧秉哲尊詞華傾後輩風雅藹孤鶩宅相榮姻戚兒童惠討論見知真自幼謀拙愧諸昆漂蕩雲天闊沈埋日月奔致君時已晚懷古意空存中散山陽鍛愚公野谷村寧紆長者轍歸老任乾坤

增制唐劉禹錫授比部郎中制曰敕周以司會質歲成漢以計相經國用或者考百官之要或制三年之期稽以簿書辨其名物俾夫會算必得經費無差充選望郎以臨計吏附崔嘏授李渾比部員外郎等制曰敕具官某等台庭積慶文苑馳聲頗聞編軸之功雅得副車之體網曹妙選粉帳華資方承綵服之榮共許應星之美為郎匪因於父任題柱自奏於帝知勉服鴻休更觀驥騁由案司門郎中員外郎附原杜氏通典曰司門郎中按周禮地官有司門下大夫掌授管鍵啓閉歷代多闕至後周依周官隋初有司門

侍郎煬帝除侍字武德三年加中字龍朔二年改為司門大夫咸亨元年復舊掌門籍關橋及道路過所闡遺物事員外郎按周官有司門上士後周依焉後改置與戶部同增天中記曰唐李林甫開元中遷太子中允時源乾曜為侍中乾曜之男潔白其父曰李林甫求為司門郎中乾曜曰郎官須有素行才望高者哥奴豈是郎官耶哥奴林甫小字也附又唐劉迺大曆十二年詔拜司門員外郎十四年崔祐甫秉政素與迺友善會加郭子儀尚父以冊禮久廢至是復行之祐甫令兩省官撰冊文未稱旨詔迺至閣草之立就詞義典裁祐

甫歎賞之遂擢爲給事中文獻通考曰宋司門掌門
關津梁道路之禁令凡所過官吏軍民商販出入稽其
詐僞詳明制詳尚書下四平聲於前集通素與西文善
增記唐權德輿司門員外郎壁記曰周官司門爲司徒
之屬今爲司寇之屬員外郎於周爲士士後數更其名
至隋爲承務郎武德初方定爲令制秩從六品上士凡
自漢魏以還典曹理事雖時有污崇官有輕重或百職
耗廢雜而多端而郎位曠然未嘗有鹵莽進越非其任
者蓋宗公貴仕多由此塗出所以儲時才練官業必於
是焉方今車書尉候通道旁午而斯任尤劇至若門關
出入之籍設險閑邪之義譏而不征守而不紊列在令
典端如貫珠故可略於此仲侯以故志屋壁之隙欲壞
磨滅使鄙夫書而補之

淵鑑類函卷八十一

淵鑑類函卷八十一

出入之辭始劍關限之義難而不班中而不素既在令

淵鑑類函卷八十二

設官部二十二工部尚書

員外郎附 屯田郎中員外郎附

虞部郎中員外郎附 水部郎中員外郎附

六部監門員外郎附 六部司務員外郎附

侍郎附 侍郎附

原杜氏通典曰周禮冬官其屬有考工掌百工之事曰

國有六職百工是其一焉漢成帝初置尚書有民曹主

凡吏民上書後漢光武改民曹主繕脩功作鹽池園苑

魏置左民尚書亦領其職晉宋以來有起部尚書而不

常置每營宗廟宮室則權置之事畢則省以其事分屬
都官左民二尚書北齊起部亦掌工造屬祠部尚書後

設官部

淵鑑類函卷八十二

工部尚書

一

周有冬官大司空卿掌五材九範之法其屬工部中大
夫二人承司之事掌百工之籍而理其禁令至隋乃有
工部尚書統工部屯田二曹蓋因後周工部之名兼前
代起部之職唐龍朔二年改工部尚書為司平太常伯
咸亨元年復舊武后改工部為冬官神龍初復舊總判
工部屯田虞部水部事增文獻通考曰宋制工部判
部事一人以兩制以上充凡城池土木工役皆隸三司
脩造按本曹無所掌元豐官制行尚書工部掌天下城
池宮室舟車器械符印錢寶之事百工山澤溝洫屯田
之政令是時尚書猶未除人紹興三年并少府監歸工

部以文思院屬焉建炎并省將作少府軍器監并歸工
部是時營繕未遑惟戎器方急紹興二年詔於行在別
置作院一所專打造器甲令工部長貳專一提點郎官
逐旬點檢少府監既歸工部文思院上下界監官並從
本部辟差又詔御前軍器所隸工部自是營造稍廣宰
臣議戶部以給財為務工部以辦事為能誠非一體欲
令戶部兼領其事上雖然之卒未能合隆興以後宮室
器甲之造寢稀且各分職掌而起部之務益簡特提其
綱要焉分案六曰工作曰營造曰材料曰兵匠曰檢法
曰知雜舊又專立一案以御前軍器案為名續文獻

通考曰遼北面以宣徽北南二院掌御前祇應之事視工部南面工部尚書下並同吏部金工部尚書一員正三品掌脩造營建法式諸作工匠屯田山林川澤之禁江河隄岸道路橋梁之事元制工部尚書三員正三品掌天下營造百工之政令凡城池之脩濬土木之繕葺財物之給受工匠之程式銓注屬院司匠之官悉以任之中統元年右三部置尚書二員至元元年始分立工部尚書明初沿唐宋之制設工部尚書侍郎之職掌天下百工山澤之政令仍屬中書省洪武十三年革中書省陞六部每部分四子部工部屬有四曰營部

曰虞部曰水部曰屯部二十九年改營部為營繕虞部為虞衡水部為都水屯部為屯田俱稱清吏司永為定制工部尚書侍郎即大小司空之職其改置北京肇自永樂辛丑其總督易州山礮肇自宣德五年嗣後或改置沙魚口清縣尚書侍郎主事實多至嘉靖六年尚書劉麟議題裁革不設原杜氏通典曰侍郎隋煬帝改置工部侍郎唐因之龍朔二年改為司平少常伯咸亨元年復舊他時曹名或改而官不易掌興造工匠諸司公解屋宇五行並紙筆墨等事增文獻通考曰宋侍郎南渡初長貳互置隆興詔各置一員續文獻通考

曰遼南面工部侍郎同吏部各金工部侍郎一員正四
品元制工部侍郎二員明工部左右侍郎各一人
易州廠侍郎一人
置工部尚書二人請賦二千石為后平少常伯為京
增左傳曰爽鳩氏司空也林周書曰司空掌邦土居四
民時地利尚書大傳曰溝瀆壅遏水為民害田廣不
墾則責之司空晉白虎通曰司空主土不言土而言空
空尚主之况於實乎入環濟要略曰冬官司司空掌邦事
營城郭都邑立社稷宗廟造塋宅器械監百工亦典略
曰禹為司空披九山通九澤決九川使各以其職來貢

地方五千里至於荒服尚書刑德考曰禹長於地理
水泉九州得括象圖故堯以為司空類要曰工部尚
書周之冬官卿也王齊職儀曰宋以武公之諱改司空
為司成楚改司空為莫敖家語曰孔子初仕為中都
宰二年定公以為司空乃別五土之性而物其所生之
宜咸得厥所隋書曰長孫平字處均為工部尚書名
為稱職時有人告都督邴紹非毀朝廷為憤憤者上怒
將斬之平諫曰川澤納汙山岳藏疾臣願陛下以山海
之量茂寬裕之德於是赦紹宋周平園集張忠簡公
闡擢工部尚書兼侍讀初上用真宗故事命經筵官二

員遞宿學士院朝夕宣召商榷古今諮訪政事公入對
尤數知無不言屢引疾丐閒上曰朕所以知外事皆賴
尚書相從已久忍言去耶元史曰吳元珪字君璋遷
工部尚書連年水旱五穀不登元珪言春秋之義以養
民為本凡用民力者必書蓋民力息則生養遂明獻
徵錄曰杜銘遷工部尚書故事拜尚書者率上疏禮辭
公曰事君貴誠虛讓非禮也獨不辭又曰秦遠陞工
部尚書帝以古帝王廟地界通衢褻而不嚴乃徙建於
欽天山之陽達奏廟功成自三皇五帝繼以三代兩漢
唐宋元勲碩德比侔者列像於庭袞冕輝煌上甚嘉之

以上尚書唐書曰李栖筠字貞一為工部侍郎關中舊仰

鄭白二渠溉田而豪戚壅上游取磴利且百所奪農用
十七栖筠請皆撤毀歲得租二百萬民賴其入山堂
肆考曰宋太祖重惜名器時錢昱自白州刺史求文資
得祕書監遷工部侍郎太祖以其連典數郡無治聲謂
宰相曰此貴家子不可以任丞郎改遷郢州團練使大
金史曰張九思字全行改工部侍郎所守清約然急於
進取一切以功利為務率意任情不卹百姓元史曰
董文用字彥材丞相安童奏為工部侍郎代紇石里紇
石里阿合馬私人也其徒既讒間安童罷相即使鷹監

奏曰自紇石里去工部侍郎不給鷹食鷹且瘦死帝怒
促召治之因急捕文用入見帝望見曰董文用乃為爾
治鷹食者耶置不問明獻徵錄曰趙榮字孟仁景泰
中遷工部侍郎張秋河決命榮董治之卒復故道天順
初陞本部尚書曹欽犯關榮率子弟助官軍致討兼大
理卿書又曰張達弘治中擢工部右侍郎純樸不事表
飾晚年言官有論其禮儀麤率者達方對客聞之笑曰
我固麤率人言者之論諒哉其性度渾厚類如此山又
曰趙璜字庭實擢工部侍郎奏毀鎮國府元明宮及諸
權姦廬舍以備國用陞本部尚書以上計順關中書

工部尚書三

增共工不宏父

虞書帝曰疇若子土僉曰垂哉帝曰俞

父司宅百揆

虞書帝曰疇若子土僉曰垂哉帝曰俞

曰伯禹作司空帝曰俞咨禹汝平水土惟時

屬有四

懋哉工居一

唐百官志云工部尚書一人侍郎二人掌山

田虞部水部考工記云

巧過人

為起部尚書巧思過人軍國器

惟敘百工齊尤難六

職記室新書曰五材是宜百工惟敘城郭都鄙定其規

重有若百

尤號六職

樂賢下士率屬程工

治產業樂賢下士推轂甚眾

白居易行韋貫之制曰

尚書漢公卿也言動可否屬人耳目固不專於率四屬

設官部

工部尚書

六

程百工修位官當元武屬以文思唐張鷟集曰位
 於冬官而已在司空之任虞舜之代伯禹統其班成周之朝毛公處
 其位山堂肆考曰宋紹興三年并少府監歸工部以
 文思院屬焉按文思院太平興國三年置蓋造金銀犀
 玉工巧之物金綵繪素裝鈿之飾以供輿輦冊寶法物
 之用舊屬少府今以少府監并於工部
 物自輸工部尚書劉瑋字德玉大定中河決於衛詔瑋兼
 禦惟當徒民以避其衝瑋曰不然天生五材遞相休旺
 今河決者土不勝水也俟秋冬之交水勢稍殺以漸興
 築庶幾可塞明年春瑋齋戒禱於河功役齊舉河乃復
 故明獻徵錄曰周用字行之遷南工部尚書工部市
 物於民吏受財率先給直而故緩其入黠賈者因據以
 為利用令民有物得自輸輸已授之直自後弊頓革
 非義不可干雖老尚可用
 內剛烈不可干以非義
 進士武宗南巡江彬沿途索賂弘時為副都御史一無

所與因譖弘老上曰弘雖請酌緩急惡輕改作
 老尚可用晉工部尚書
 張潤字汝霖晉工部尚書時大工並興漏卮乾沒百出
 潤躬勤省閱宿弊盡祛迺請酌緩急為先後上欣納之
 又曰劉宣字紹和累官南工部尚書制行務存大體
 惡輕改作常曰後生少年輕舉妄動利未至而害先之
 國家何賴焉人為得中書資有宰相望
 確論以上尚書
 頌有工部侍郎唐李栖筠傳云字貞一為工部侍郎
 命何資之計唐李栖筠傳云字貞一為工部侍郎
 然有宰條上十事力陳六害山堂肆考曰宋張忠
 相望條上十事
 上給札侍從臺諫條具時務公上十事時應詔數十人
 惟公與國子司業王十朋指陳實事斥言權倖無所回
 隱明日上召兩人對內殿大加稱賞賜酒者再面授御
 書各一軸又曰孝宗時金人復以書來求地帝以付
 張浚浚言金強則來弱則止不在和與不和湯思退檜
 黨也急於求和工部侍郎張闡獨曰彼欲和畏我耶愛
 我耶直歎我耳力陳六
 害不可許以上侍郎
 設官部

工部尚書四

增貴而能貧唐韓愈送鄭尚書序云鄭公嘗以節鎮襄陽又帥滄景德棣歷河南尹華州刺史皆

有功德可稱道無數畝之宅儼屋以居可謂貴而能貧尚書家屬百人

仁者不富**使造傀儡**唐段綸為工部尚書奏徵巧匠之效也

本求巧工以供用今先為戲具豈百**求贍姬妾**肆山堂工相戒毋作淫巧之意耶乃削綸階

曰唐穆宗時工部尚書鄭權家多姬妾祿薄不能贍因鄭注通於王守澄以求節鎮遂得嶺南節度使

兄弟代為翰苑新書曰唐閻立本代兄立德為工部尚書兄弟相代為八座時人榮之

斥佞人編年備要曰宋元符三年曾布入相御史中丞補外不允其謝表中內侍已成於怨府佞人方列於

奏章之語上問佞人為誰曰曾布陛下斥布則天下事定矣

晝夜倍功元史曰唐仁祖字壽卿遷工部尚書時丞相桑哥秉政以曹務煩劇特重困之

考工部織課稍緩遽命直吏拘往督工且促其期曰違期必致汝於法仁祖召諸署長從容諭曰丞相怒在我不在爾也汝等勿懼宜力加勉眾

皆感激晝夜倍其功期未及而辦**鄭善果甚著勞績**唐新語云鄭善果為工部尚書正身奉法甚著勞績

尚書子深貞祐二年拜工部尚書是時山東乏兵食有司請鬻恩例舉人居喪者亦許納錢就試德淵奏此大傷

名教事**同領均分**為徵錄曰孫需字孚吉武宗時起遂寢

浮冗多耗民財先是諸營建給領料價率匠魁專之莅部事者或與為市故羣匠無所得而工不可完需令匠

魁及羣匠同領而均**制八輪車**又曰毛伯温陞工部分之稱便如一口

山工程諸陵石柱道遠車摧勞費千萬公以意制八輪車前後聯絡隨地險夷為低昂工作易就上聞之喜賜

繡囊銀勺各一**起曹**白集授工部侍郎集賢學士以上尚書

百工典制常衮制曰百工**首言典學**楊龜山時為工部侍郎入對首

設官部 刑監貢函卷八十二 工部尚書

言自古聖賢之君未有不以典學為紀綱繕脩之政

務以君德在是故也尋命兼侍講其紀綱繕脩之政杜塞淫巧之作

曲阜行制曰疇若予工汝往為允汝侍郎中第一人

獻徵錄曰陳壽為工部侍郎嘗啟事退稱冬曹大臣

上目送之顧侍臣曰此侍郎中第一人稱冬曹大臣

又曰陸杰晉工部侍郎御札論問稱稱冬曹大臣

曰冬曹大臣而不名以上侍郎

工部尚書五

增箴明宣宗工部箴曰虞舜之世垂若百工暨於成周

乃設司空漢置水衡將作少府備物致用必謹其度我

朝建官列次六卿率屬有四各底於成凡諸繕作儀品

有秩辨其楛良去華就實凡厥有位宜慎其官順理而

治勿苛以殘山澤之利羽毛齒革金鑛丹漆暨木與石

為所當為毋耗於材逸所當逸毋殫其力毋縱已私縱

則召蓄毋溺於賄溺則取敗必祇必勤必施以公百役

具宜惟爾之功其懋敬哉視古仁智率履勿愆用保祿

位冬官而

增制唐中宗授張錫工部尚書制曰明光畫省務總樞

要建禮仙門職惟喉舌尚書左丞張錫白虹良寶紫電

雄鋒家傳鵲印之祥世襲貂冠之緒文道吐鳳思縟騰

蛟質映南金材逾東箭自提綱左轄立帷中臺奏郭奕

而無慙射崔洪而不愧紫樞佇俊彤管須賢宜陞賜劔

之榮式表委珠之潔白居易授韋貫之工部尚書制

日善馭者齊六轡善理者正六官六官成則百事舉故
吾選賢任舊次第補之而六卿之材吾已得五闕一不
可待汝而成汝貫之以正行明誠為先朝輔道有消長
德無緇磷及帥湘潭尹河洛廉平清一之政繼聞於京
師宜置朝右以鎮厚時風况今之尚書漢之公卿也言
動可否屬人之耳目焉固不專於率四屬程百工備位
於冬官而已 常袞授蔣渙工部侍郎制曰夫任賢之
急在適於事要當其才難豈限階序况中臺政本司舉
舊章六卿貳職為今盛選具官蔣渙忠信孝友周而不
器得元和之純能以禮節有至靜之妙豈因物遷溢聲

華於文藻潤理體於經術中外之秩備更要重不失其
正行之有恒自分貂蟬之列喻公卿之旨入告嘉猷直
而不訐常執德於沖約亦忘情於進趨勤職已久所宜
懋能百工惟時命汝典制

工部郎中

員外郎

附

今設營繕司

原杜氏通典曰工部郎中按晉尚書有起部曹歷代皆

有

具尚書中

隋初為工部侍郎煬帝除侍字又改為起部郎

武德三年改為工部郎中龍朔二年改為司平大夫咸
亨元年復舊其後曹名改而官不易所掌與侍郎同
員外郎 隋文帝置工部員外郎煬帝改為起部承務

設官部

增蓋頁尾卷八十二

工部郎中

十

郎武德三年復爲工部員外郎其後曹改而官不易
增六典曰工部郎中員外郎掌經營興造之衆務凡城
池之脩濬土木之繕葺工匠之程式咸經度之大職員
令云工部郎中掌興造工匠諸解舍宇五行紙筆之事
唐國史補云開元以後位卑名著者杜工部合璧
事類曰唐蔣係遷工部郎中宰相宋申錫爲北司羅織
罪在不測係與諫官崔元亮泣諫於玉階之下方得減
死時論稱之文獻通考曰宋郎中舊制凡製作營繕
計置採伐材物按程式以示有司則郎中員外郎叅掌
之建炎三年詔工部郎官兼虞部屯田郎官兼水部隆

興元年詔工部屯田各一員兼領自此四司合爲一矣
宋范杲以工部郎中知制誥續文獻通考曰遼南
面工部郎中員外郎並同吏部金工部郎中一員從
五品員外郎一員從六品主事二員從七品金史曰
完顏綱字正甫明昌中轉工部郎中上言太府監官兼
尚食局官乞於少府監依此例注能幹官一員兼儀鸞
局官儀鸞局官一員兼少府監官相須檢治從之續
文獻通考曰元工部郎中二員員外郎二員品秩與吏
部同主事五員大明工部營繕清吏司郎中一人員外
郎一人主事二人掌經營興造之事以贊尚書凡宮殿

陵寢城濠壇場祠廟廨署倉庫營房之役鳩工會財以時督之鹵簿儀仗樂器省其堅潔而董其窳濫凡撮工歇工視役煩省節其財力一說聽曰工部居六曹後仕進者冷局視之嘉靖間興大工添設郎官數倍營繕司尤盛郎官多至十餘員得驟升京堂或有先賜四品服者人始慕之而為語云馬前雙馬後方督工郎雙者棍方者杙也一獻徵錄曰陸祥擢工部郎多巧思嘗用玉面方寸許刻鏤為方池以獻凡水中所有魚龍荇藻之類皆備曲盡其巧中較備諸類文燭圖共曰盤南與工部郎中子田各一員兼貯自此四后合為一矣

增兼史職

百知制誥

唐蔣係遷工部員外郎又遷本司郎中皆兼史職

香思粉署

杜詩馨香粉署妍註公時乃

其官署之妍美

官曹為劇

郎選甚高

今之高選上官號為劇曹

帳籍

帳籍辟幕府

帳籍辟幕府

元稹授羅讓工部員外郎制云隋朝二

帳籍辟幕府

帳籍辟幕府

工部郎中三

增詩唐王建贈工部郎中詩曰金鑪煙裏要班頭欲待

歸山可自由每度報朝愁入閣在先教示小千牛

增制唐錢珣授京畿制置使判官兼中丞賜紫李巨川
工部郎中制曰具官李巨川夫彊學者始自爲已移於
事人君齊美儒先登志士之場優入羣書之域中權之
佐前著實高多務講論直歸翼戴爾所自比我能知之
推共獎王室之心慕不以兵車之力文翰之樂迅捷若
飛雖觀者已煩而作者甚暇陪臣盡善賢帥盛稱上旣
策勲下難遺賞且陞郎位如事所知理在庶官勉興墜
典常聞好古當念陟明蘇頲授李全昌工部員外郎
制曰具官某措懷條暢臨事明允執憲繩違以文從吏
五材審用百工爲職握蘭之美賜筆攸歸元稹授羅

讓工部員外郎制曰昔陶弘景一代高人始願四十爲
尚書而猶不遂國朝選署尤用其良以爾讓敏而好學
直而能溫甲乙亟登班資歷踐頃將軍辟士權資孫楚
之坐籌今會府掄材復獎馬宮之射策無忘辨護以宣
程品日省月試用勸百工

屯田郎中 員外郎附 今屯田司

原杜氏通典曰屯田郎中按漢成帝置尚書郎四人其
一人主戶口墾田蓋尚書屯田郎之始也至魏尚書有
農部郎又其職也至晉始有屯田尚書及太康中謂之
田曹後復爲屯田江左及宋齊則左民郎中兼知屯田

設官部

增補通志卷八十二

屯田郎中

七

事梁陳則曰侍郎後魏北齊並為屯田郎隋初為屯田

侍郎兼以掌儀武之事隋書曰柳或為屯田侍郎時以

子弘德封應國公申牒請戟或判曰僕射之子更不異

居父之戟榮已列門外尊有厭卑之義子無避父之禮

豈有外門既設內閣又施煬帝除侍字武德三年加中

字龍朔二年改為屯田大夫咸亨元年復舊掌屯田官

田諸司公廨官人職分賜田及官園宅等事 員外郎

改置與戶部員外郎同 **增**北史曰齊裴讓之十七

舉秀才為屯田郎中讓之弟讞之謀之訥之並清

立楊愔每云河東士族京官不少裴讓之兄弟都無鄉

音一南部新書曰省中司門都官屯田虞部主客皆聞

簡無事諺曰司門都官屯田水部入省不數而六典云

屯田郎中員外郎掌天下屯田之政令凡軍州邊防鎮

守轉運不給則設屯田以益軍儲其水陸腴瘠播植地

宜功庸煩省收率等咸取決焉諸屯田役力各有程數

一文獻通考曰宋屯田掌凡屯田營田職田學田官莊

稻田塘灤堤堰之事 翰苑新書曰屯田判司事一人

以無職事朝官充凡屯田之政令隸三司本司無所掌

元豐改制郎中員外郎始實行本司事 合璧事類曰

宋柳永字耆卿識音律工小詞遊諸內侍門為屯田員

外郎未有差遣會太史奏老人星見時秋霽宴禁中仁

設官部

宗命左右召詞臣爲新樂章內侍屬永應制冀因緣進用永以小詞擅名天下欣然走筆甚得意比進呈上見首有一漸字色若不悅讀至中乃與御製真宗挽詞暗合上慘然乃擲於地自此不復進用然至今天下稱爲柳屯田云續文獻通考曰明工部屯田清吏司郎中一人員外郎一人主事二人掌屯農墾塋抽分薪炭夫役之事以贊尚書明獻徵錄曰李堂歷營繕司員外郎調屯田司詔脩會典委造工典文冊史館所用不遺增制唐劉禹錫授屯田郎中制曰詩云雨我公田遂及我私蓋美夫田之盛思賢主之詩人必先公而後私者

偕力而耕其來尚矣周以司徒隸職漢以侍郎訓田今則務切如雲任專列宿總於豫政克藉公才賈至授宋晦屯田員外郎制曰具官某質性溫敏行能詳實再策名於霜簡久更事於輜軒理必有常條而不紊禮闈舉直郎署求才俾迴秋憲之威以佐冬官之屬

虞部郎中

員外郎附

今虞衡司

原杜氏通典曰虞部郎中按虞部蓋古虞人之遺職至魏尚書有虞曹郎中晉因之梁陳曰侍郎後魏北齊虞曹掌地圖山川遠近園囿田獵雜木等並屬虞部尚書後周有虞部下大夫一人掌山澤草木鳥獸而阜蕃之

又有小虞部並屬大司馬隋初爲虞部侍郎屬工部煬
帝除侍字武德中加中字龍朔二年改爲司虞大夫咸
亨元年復舊天寶十一年又改虞部爲司虞至德初復
舊掌京城街巷種植山澤苑囿草木薪炭供須田獵等
事 員外郎 隋初置曹與戶部員外郎同龍朔以後
曹名改而官不易 **增**六典曰虞部郎中員外郎掌天
下虞衡山澤之事辨其時禁凡採捕畋獵必以其時
山堂肆考曰唐崔沔拜中書舍人時母有疾在東都沔
不忍捨因請閒官以申侍養由是改虞部郎中爲文獻
通考曰宋虞部掌凡山澤苑囿畋獵取伐木石薪炭藥

物之屬屏絕猛獸毒藥及茶礬場鹽池井金銀銅鐵鉛
錫坑冶廢置收採之事 **增**翰苑新書曰建炎三年詔工
部兼虞部 **增**續文獻通考曰明工部虞衡清吏司郎中
一人員外郎一人主事二人掌山澤採捕厲禁陶冶之
事以贊尚書 獻徵錄曰劉汝靖陞營繕員外郎命脩
秦簡王園能以禮裁抑使其國弗軼往度 **增**詩唐王建賀楊巨源博士拜虞部員外詩曰合歸蘭
署已多時上得金梯亦未遲兩省郎官開道路九州山
澤屬曹司諸生拜別收書卷舊客看來讀制詞殘著幾
丸仙藥在分張還遣病夫知

增制唐白居易授李翱虞部郎中制曰具官某雅有文
藝飾以政事早從吏職久領郡符謹慎廉平頗副所任
虞曹郎缺命以序遷敬茲寵命勉守厥位孫逖授劉
繹虞部員外郎制曰具官某緒業清華行能脩飭表通
明於吏跡持雅正於公心幕府徵才久聞成效星臺列
位宜膺俊選

一入水部郎中

員外郎附

今都水司

原杜氏通典曰水部郎中按周禮夏官有司險掌設國
之五溝五塗而達其道路蓋其職也魏尚書有水部郎
歷代或置或否後魏北齊有水部屬都官尚書亦掌舟

船津梁之事後周有司水大夫隋初爲水部侍郎屬工
部煬帝除侍字武德三年加中字龍朔二年改爲司川
大夫咸亨元年復舊天寶中改水部爲司水至德初復
舊掌川瀆津濟船艦浮橋渠堰漁捕運漕水碾磴等事
隋員外郎後周小司水上士隋改置與戶部員外郎
同龍朔二年以後曹名改而官不易增六典曰水部
掌天下山瀆陂池之政令以導達溝洫堰坎河渠凡舟
楫漑灌之利咸總而舉之美梁書曰劉孝綽兼尚書水
部郎奉啓陳謝手敕答曰美錦未可便製簿領亦宜稍
習山堂肆考曰唐員半千五遷正諫大夫兼控鶴內

供奉半千上言控鶴之職古無其事又授斯任者率多輕薄非朝廷進德之選疏請罷之由是忤旨左遷水部郎中李餘慶詩省中官最美無似水曹郎舊唐書曰張文瓘遷水部員外郎時兄文琮為戶部侍郎舊制兄弟不許並居臺閣遂出為雲陽令文獻通考曰宋水部凡川瀆河渠津梁舟楫運漕水碾磴凡隄防疏濬之政令皆掌之續文獻通考曰明工部都水清吏司郎中六人員外郎一人主事二人掌川瀆陂池泉灤洪淺道路橋梁舟車織造券器衡量之事以贊尚書文獻通考曰錄曰屠勳字元勳成化中授工部都水主事分司清江

浦督脩運舟持廉秉公通融物力未幾百度具興有題詩驛亭以美其事者

增詩唐鄭谷寄前水部賈員外嵩詩曰謝病別文昌仙舟向越鄉貴為金馬客雅稱水曹郎白鷺同孤潔清波共渺茫相如辭賦外騷雅趣何長

增制唐薛廷珪授河中節度判官温緒水部郎中制曰天子省方藩后述職睦鄰事大允執厥中偃革崇儒行成於內我知之矣彼有人焉具官温緒懿祖考為朝廷大臣偉望威名皆烜赫信史而爾砥節礪行脩詞立誠抱終身之憂脫屣科第使四方之志服勤官途束帶公

朝曳裾侯府刃有餘地人無間言朕以釁結萑蒲兵纏封域藏書之府煨燼罕存爰委藩宣爲我採撫而爾能奉綸旨來貢之書欲以先王之格言廣我視聽思列聖人之行事規我怠荒實嘉乃心斯驗夙志爾帥具舉予其懋遷陞之文昌授以清署用酬稱職以勸事人凡百賓階無忘幕畫蘇頲授王琪水部員外郎制曰具官某奕代儒雅門傳教義風襟育粹詞韻含清雖職尚安卑而才方致遠連枝席寵爰映於棣華起草陞榮俾光於蘭握

其書皆
徵督六部監門兼秉公直攝於未幾百數具與齊願

增文獻通考曰六部監門官一員古無之宋渡江後紹興二年置選陞朝文臣有才力人充仍令六部躡逐奏差序位請給依寺監丞郎官有關得兼之初從吏部尚書沈與求之請也 朝野雜記曰尋詔依尚書左右選遷注內遷則爲寺監丞或擢郎外除至有爲諸路總領者乾道後補外止爲州內遷止爲寺監簿選浸輕矣官

增記宋陳國表六部門官廳壁記曰乾道登號之七年厥旣庶職咸理趣平治上思以固其勤也有詔百執事卯而入盡未而退小大之吏罔不惟上訓是迪無或敢有佚豫而六部實天下政事之樞綱目要領闔關在是

故奉詔益嚴非他攸司比也凡部官卯未之出入疾病
 之暫告與其謁制之可否悉聞之部門部門受其出入
 之時以聽上稽訪門之司存蓋至是而愈重矣百又陸
 坡續記曰國家官人以才儲才有地其始進而需用於
 部者有二焉繇京秩則為門官繇小選則為架閣之官
 資歷雖殊職閒無事則相似大抵不以才用而以才選
 也世於與宋之書也陳禮錄曰長信宮尚書古官
 漢六部架閣寺監丞府官有閣無之亦於吏暗尚
增文獻通考曰主管架閣庫掌諸藏帳籍文案以備用
 擇選人有時望者為之舊有管幹架閣庫官宣和罷之

紹興十五年復置吏戶部各差一員禮兵部各差一員
 刑工部各差一員以主管尚書某部架閣庫為名從大
 理寺丞周楸之請也無劉後溪曰杜莘老字起莘以珍
 南一教授客中都見九重方更化因上書執政執政偉
 其說薦為六部架閣明年彗見東方公奏對直論當世
 之故語益切直門續文獻通考曰金尚書省架閣庫大
 定二十一年六月設仍以都事提控賈元左右部架閣
 庫管勾二員掌六部文卷簿籍架閣之事後并為一員
增記宋李大異六部架閣庫題名記曰古昔以來圖籍
 為重是官之建實謹其藏其任似周司書其選似漢掌

設官部

淵鑑類函卷八十二

六部架閣

故可以考閱故新尋緒本元所謂若緩而急者嘗試以舊章參之今日雖或稍異而其歸則同舊制官庀其司置於六部之內或遇其廢則以省郎兼之否則以監六部門兼之迨於紹興寺監簿正官俱復然始庀司於外一也舊制金耀門文書庫多藏三司帳籍三司今版曹也自銓曹而下儲藏帳籍之所未之詳焉其後置六部架閣庫下大抵成案留部二年然後昇而藏之文八年則委之金耀今金耀無復曩日則悉藏於架閣庫二也二者不同而至於諸曹二十四司之文書盡歸儲蓄以待有用則今猶昔也文書各差一員 文書各差一員

六部司務

增按司務古無此官 續文獻通考曰明六部各設司務二人吏部司務主省署抄目受發文移五日一奏上三月引監生勤奏登選諸司務皆如之

淵鑑類函卷八十二

其職則以言部無之古也
 職職職函卷八十二
 三月臣望主權奏登懸前同務皆收之
 於二人吏陪同務主皆累於目受無文終五日一奏上
 六陪同務
 六陪同務古無此官
 文燭函卷八十四
 六陪同務

淵鑑類函卷八十三

設官部二十三

中書總載

中書監

中書總載一

原杜氏通典曰中書之官舊矣謂之中書省自魏晉始

焉梁陳時凡國之政事並由中書省省有中書舍人五

人領主書十人書吏二百人

書吏不足并取助書

分掌二十一局

事各當尚書諸曹並為上司總國內機要而尚書唯聽

受而已被委此官多擅威勢後魏亦謂之西臺

宣武帝謂中書

監崔光曰卿是朕西臺大臣

北齊中書省管司王言并司進御之樂

及清商龜茲諸部伶官隋初改為內史省置令二人侍

設官部

淵鑑類函卷八十三

中書總載

郎四人煬帝減侍郎二人舍人八人煬帝減去四人通事舍人十六人

煬帝加起居舍人而改通事舍人為謁者臺職唐武德

三年復中書省龍朔二年改為西臺咸亨初復舊光宅

元年改為鳳閣凡中書官隨署名改神龍初復舊開元元年改為

紫微省五年復舊時謂尚書省為南省門下中書為北

或通謂之兩省令二人侍郎二人舍人六人左右散騎常侍起

居舍人左補闕右拾遺各二人通事舍人十六人其餘

小吏各有差 **增**文獻通考曰宋制中書省在左掖門

外西面北廊掌進擬庶務宣奉命令行臺諫章疏羣臣

奏請興創改革及中外無法式事取旨者凡除省臺寺

監長貳以下及侍從職事官外任監司節鎮知州軍通

判武臣遥郡橫行以上除授皆掌之凡命令之體有七

曰冊書曰制書曰誥命曰詔書曰敕書曰御劄曰敕榜

皆承制畫旨以授門下省令宣之侍郎奉之舍人行之

留其所得旨為厯大事奏稟得旨者為畫黃小事擬進

得旨者為錄黃凡事於因革損益而非法式所載者論

定而上之設官十有一令侍郎右散騎常侍各一人舍

人四人右諫議大夫起居舍人右司諫右正言各一人

分房八曰吏房戶房兵禮房刑房工房生事房班簿房

制敕庫房元祐後析兵禮為二增催驅點檢分房十有

一又改生事房為開拆 續文獻通考曰宋度宗咸淳

九年置機速房於中書以革樞密院泄漏兵事稽遲邊

報之弊 按舊宰相繼以門下省而主封駁之事其給事

中諫議大夫起居注補闕拾遺與典儀城門符

寶皆屬官也宋自紹興中廢門下省而元因之故今繼

以中書省及其屬官而給事中等官仍附於中書省據

屬之後通事舍人之上其 遼南面中書省初名政事省

太祖置世宗天祿四年建政事省十二年改中書省金

初置中書省海陵正隆元年與門下省同罷元世祖至

元七年議立三省 侍御史高鳴上言臣聞三省設自近

則有駁正或封還詔書議合則還移中書中書移尚書

尚書乃下六部郡國方今天下大於古而事益煩取決

一省猶曰有壅况三省乎且多置官者求免失政也但

使賢俊萃於一堂連署參決自免失政豈必別官異坐

而後無失政乎 明國初設中書省有左右相國洪武九

世祖深然之 年改左右丞相左右丞各一人參知政事二人總領眾

職分錢糧禮儀刑名營造四部其屬左右司郎中員外

郎都事各一人中書舍人二十人是年始置吏戶禮兵

刑工六部設尚書侍郎郎中員外郎主事統於中書省

十三年罷中書省止存中書舍人 按周六官廢而秦及

子理萬幾漢設一丞相以御史大夫副之後改曰大司

徒東漢因立司空而權移於尚書令僕自漢至宋其省

或尚書門下中書其長或令或監或僕射其佐或參知

政事或左右丞或侍郎皆真為相而名避之南渡以後

至孝宗正其名曰左右丞相其佐仍曰參知政事元因

之置中書令以皇太子為之左右丞相同品同令平章

政事左右丞參知政事參議高皇帝即位仍置中書

省罷令不設洪武三年革平章政事十三年以丞相胡

設官部

中書總載

惟庸專僭誅之因罷中書省散其柄於六尚書

中書總載二

原龍池 雞樹 上見後侍郎五下伯玉詩之郭頌魏晉

肇心內不平殿中有雞棲樹二人相謂此亦久矣其能復幾指謂中書監劉放中書令孫資

右曹 曹受尚書事前五劉楨詩以中書在右因謂中書

為右曹又 紫宸 清禁 詩見下伯玉赴中書

內樞 何法盛晉中興書曰范甯拜中書侍郎崇掌西

將軍丹陽尹王景文夙尚弘簡情度淹粹忠規茂

績實宣國道宜兼管內樞以重其任可中書令

垣 綸閣 王珉直中書詩云高閣臨雲日險岑仰天居

又中書職掌綸閣前 中書省

代詞人因謂綸閣

空自中書總載三

原領尚書事 漢舊儀云漢舊置中書官領尚書事

者黃門鈎盾尚方御府永巷內者宦者 掌尚書事

百官公卿表云孝武帝遊宴後宮以宦者掌尚書事改

中書謁者令署僕射凡宦者之職皆曰中成帝建始四

年罷中書官改中 掌機密 漢舊儀云中書掌詔

書謁者為中謁者 掌機密 詔答表皆機密之事

內事 環濟要略云中書掌內事密 非良才何可斯任

詳中書 非輕才所可獨任 王獻之啓琅邪文孝王為

詔命當否是寄自大晉建國常令宰相參領 中興以來益重其任故非輕才所可獨任也

原詩齊謝元暉直中書省詩曰紫殿肅陰陰彤庭赫弘

設官部

中書總載

中書總載

四

海鏡樓圖卷八十三
四
敞風動萬年枝日華承露掌玲瓏結綺錢深沈映珠網
紅藥當階翻蒼苔依砌上茲言翔鳳池鳴珮多清響信
美非吾室中園思偃仰朋情以鬱陶春物方駘蕩安得
凌風翰聊恣山泉賞唐魏知古春夜寓直鳳閣懷羣
公詩曰拜門傳漏晚寓省索居時昔重安仁賦今稱伯
玉詩鴛池滿不溢雞樹久逾滋夙夜懷山甫清風詠所
思韋承慶直中書省詩曰清切鳳皇池扶疎雞樹枝
唯應集鸞鷲何爲宿羈雌大造乾坤闢深恩雨露垂昆
蚊旣含養鴛駘亦驅馳木偶翻爲用芝泥忽濫窺九思
空自勉五字本無施徒喜逢千載何階答二儀螢光向

日盡蚊力負山疲禁宇庭除闕閒宵鐘箭移暗花臨戶
發殘月下簾欹白髮隨年改丹心爲主披命將時並泰
言與行俱危寄謝登集客堯年復在斯增唐沈佺期

春夜宿直鳳閣懷羣公詩曰西禁青春滿南端皓月微
千廬宵駕合五夜曉鐘稀星斗橫綸閣天河度瑣闥煙
花章奏裏分向夕郎飛又酬蘇員外味道夏晚寓直
省中見贈詩曰並命登仙閣通宵直禮闈大官供宿膳
侍史護朝衣卷幔天河入開牕月露微小池殘暑退高
樹早涼歸冠劔無時釋軒車待漏飛明朝題漢柱三署
有光輝岑參省中即事詩曰華省繆爲郎蹉跎鬢已

滄到來恒幙被隨列且含香竹影遮牕暗花陰拂簟涼
君王新賜筆草奏向明光又西掖省即事詩曰西掖
重雲開曙暉北山疎雨點朝衣千門柳色連青瑣三殿
花香入紫微平明端笏陪鸞列薄暮垂鞭信馬歸官拙
自悲頭白盡不如巖下偃荆扉補錢起春夜寓直詩曰
養性慣雲臥為郎如鳥棲不知仙閣峻惟覺玉繩低帳
喜香煙暖詩慚賜筆題未央春漏促殘夢謝晨雞又
和萬年成少府寓直詩曰赤縣新秋夜文人藻思催鐘
聲自仙掖月色近霜臺一葉兼螢度孤雲帶鴈來明朝
紫書下應問長卿才李嘉祐和張舍人中書宿直詩

曰漢主留才子春城直紫微對花閨闔靜過竹吏人稀
裁詔催添燭將朝欲更衣玉堂宜歲久且莫厭彤闈白
居易中書寓直詩曰繚繞宮墻圍禁林半開閨闔曉
沈沈天晴更覺南山近月出方知西掖深病對詞頭慚
彩筆老看鏡面愧華簪自嫌野物將何用土木形骸麋
鹿心鄭谷省中偶作詩曰三轉郎曹自勉旃莎隄吟
步想前賢未如何遜無佳句若比馮唐是壯年捧制名
題黃紙尾約僧心在白雲邊乳毛松雪春來好直夜清
閒且學禪崔峒奉和給事寓直詩曰桂枝家共折雞
樹代相傳忝向鸞臺下仍看鴈影連夜閒方步月漏盡

欲朝天知去丹墀近明王許薦賢
皇甫曾和謝舍人
雪夜寓直詩曰禁省夜沈沈春風雪滿林滄洲歸客夢
青瑣近臣心揮翰宜鳴玉承恩在賜金建章寒漏起更
助掖垣深蘇頲春晚紫薇省直寄內詩曰直省清華
接建章向來無事日猶長花間燕子棲鳩鵲竹下鷓鴣
繞鳳凰內史通宵承紫誥中人落晚愛紅妝別離不慣
無窮意莫誤卿卿學太常韋應物和張舍人夜直中
書詩曰西垣草詔罷南宮憶上才月臨蘭殿出涼自鳳
池來松桂生丹禁鴛鴦集雲臺司空曙晚秋西省寄
上李韓二舍人詩曰晝漏傳清唱天恩禁旅秋鴈親承

露掌砧隔曝衣樓賜饌中人送餘香侍女收仍聞勞止
直晚步鳳池頭姚合和令狐六員外直夜即寄上相
公詩曰霜臺同處軒牕接粉署先登語笑疎皓月滿簾
聽玉漏紫泥盈手發天書吟詩清美招聞客對酒逍遙
臥直廬榮貴人間難有比相公離此十年餘南無對
補入中書監一

增晉陽秋曰朱整少有名行官至中書監魏禪晉使整
與中書令劉良共為詔世祖踐祚權即用之冊府元
龜曰荀勗為中書監與散騎侍郎阮咸論音律自以為
遠不及也疾之出補始平太守又曰荀勗為中書監

久管機密有才思探得人主微意不犯顏廷爭故得始
終全其寵祿 又曰晉謝安孝武帝時為中書監 又
曰庾冰成帝時為中書監輔政初冰為吳國內史會蘇
峻作逆冰行奮武將軍拒峻別率張健走之乘勝赴京
師又遣將攻拔石頭城封新吳縣侯固辭不受 又曰
南齊褚淵高帝建元初為中書監時淮北屬江南無復
鰓魚或間關得至者一枚直數千錢有餉淵鰓魚三十
枚淵雖貴而貧薄過甚門生有獻計賣之云可得十萬
錢淵變色曰我謂此是食物非曰財貨雖復儉乏寧可
賣餉取錢耶悉與親族啖之少日便盡 又曰北齊魏

收為中書監武成於華林別起元洲苑備山水臺觀之
麗詔於閣上畫收其見重如此 又曰後魏高允獻文
時為中書監加散騎常侍太和二年以疾告歸其年詔
以安車召允至都拜鎮軍大將軍領中書監固辭不許
是時貴臣之門皆擁列顯官而允子弟皆無顯官列爵
其廉退如此

中書監二

原監令同車

曹嘉之晉紀云中書監令同車入朝和嶠為令時荀勗為監嶠意強抗專車而坐乃

使監令異車

宰相參領

詳總中

機密之要宜得其才

王隱晉書云張華字茂先為中書令加散騎常侍為中書監永平元年詔曰華體量清粹才識經濟前任中書

設官部

中書監

中書監

有思謀之勤機密之要宜得當否是寄故非輕才詳

其才以華為中書監加侍中王隱晉書云荀勗字公曾

中書總載加典著作又定律令拜中書監加典著作與賈

充共定律令事多不泄子弟管之華廩字長駿為中

荀勗為監末年亦使息但書詔草前後相承以子弟管

始也荀勗從遷發恚王導表云乞得除中書監專

詔曰昔荀公曾從中書監遷尚書令人賀之乃發恚

曰奪我鳳凰池卿諸人賀我耶願足下處之勿疑

庾亮以姻婭地嫌晉書庾亮傳曰肅祖即位欲使亮為

以私矣何者臣於陛下之兄也姻婭地嫌雖太上至

公聖德無私然世之喪道有自來矣悠悠六合皆私其

姻人皆有私則其良重也又曰賤高文

天下無公矣郊為中書令郊為華林限跋元微跋山木臺購之

原杜氏通典曰舜攝位命龍作納言出入帝命周官內

史掌王之八柄爵祿廢置生殺與奪執國法及國令之

貳以考政事蓋今尚書之任其所置中書之名因漢武

帝遊宴後庭始宦者典事尚書謂之中書謁者置令僕

射元帝時令弘恭僕射石顯秉勢用事蕭望之以為中

書政本宜以賢明之選更置士人自武帝改用宦者掌

出入奏事非舊制也成帝建始四年改中書謁者令曰

中謁者令更以士人為之皆屬少府漢東京省中謁者

令官時有中官謁者魏武帝為魏王置祕書令典尚書

奏事又其任也文帝黃初初改為中書令又置監以祕

設官部

中書令

中書令

九

書左丞劉放為中書監右丞孫資為中書令並掌機密

中書監令始於此也及明帝時中書監令號為專任其

權重矣時中護軍蔣濟上疏諫曰夫大臣太重者國危

慢上勢之常也今外所言輒云中書實握事要日在目

前黨因疲倦之間有所割制臣見其能推移於事即亦

向附之請分任眾官不使晉因之置監令一人始皆同

聖明之朝有專吏之名也

車後乃異焉魏晉以來中書監令掌贊詔命記會時事

典作文書又後魏孝文時蠕蠕有國喪帝遣高閭為書

典文辭若情思不至應謝所任又曰崔光為中書監職

為中書令敕光為詔遠巡不作蠕如亮切以其地任

樞近多承寵任是以人固其位謂之鳳皇池焉晉置銅

印墨綬進賢兩梁冠絳朝服佩水蒼玉乘輅車晉書曰張華為

監裴楷為令東晉常并其職入散騎省尋復置之宋冠

共掌機密

佩印綬與晉同梁中書監令清貴華重大臣多領之其

令舊選吏部尚書才地俱美者為之陳因梁制後魏亦

有監令高允字伯恭為中書令文北齊因魏制後周置

內史中大夫二人掌王言亦其任也隋初改中書為內

史置監令各一人尋廢監置令二人煬帝大業十二年

又改內史為內書後復為內史令唐武德初為內史令

常有敕而中書門下不時宣行高祖責其遲晚內史令

蕭瑀曰臣大業之日見內史宣敕或前後相乖者百司

設官部

中書令

中書令

十

改為中書令亦置二人龍朔二年改為右相咸亨元年復舊光宅二年又為內史神龍元年復為中書令開元元年改為紫微令五年復為中書令天寶元年改為右相至德初復為中書令自隋至今皆為宰相舊班正三品大曆二年陞為從二品按令文掌侍從獻替制敕冊命敷奏文表授冊監起居注總判省事

初學記曰案中書令漢武帝所置出納帝命掌尚書奏事蓋周官內史之任初漢武遊宴後庭公卿不得入始用宦者典尚書通掌圖書章奏之事其後遂罷尚書改置中書謁者令盡用宦者故沈約宋書百官志云中書本尚書官是也謝靈運晉志云以其總掌禁中書謂

之中書漢武時司馬遷被腐刑之後為中書令則其職

也漢書不言謁者史省文也其官本名曰中書謁者令漢書直云遷為中書令是

史省文也宣帝時弘恭坐腐刑累遷為令明習文法勢傾內外然恭死石君防亦坐腐刑代為令至成

帝置尚書官改中書謁者令所掌非盡權要舊任也蓋直

為禁中宦者之職非掌朝廷要事也故謝靈運晉書云漢成帝已後無復

中書之職是也東漢初亦無其官至獻帝時魏武為魏

王置祕書令此又中書之任也以其中書通掌圖書祕記之事故以祕書為名

魏文改祕書令為中書令魏晉以來皆置一人品第三

妙選文學通識之士為之掌王言江左更重其任多以

諸公兼之古者宰相本是三公至魏晉中書令掌王言才望既重多以諸公兼之近世以來若三公

無其人則闕而中近世始專其職隋文帝改為內史令

書當宰相輔之任隋室諱中依周煬帝改為內書令已上並出漢

置二人官改為內史煬帝改為內書令官及齊職儀

并五代史增文獻通考曰宋制掌佐天子議大政授

所行命令而宣之祀大神祇則升壇饗宗廟則陞阼階

相禮臨軒冊命則讀冊建儲則升殿宣制及璽綬以授

太子大朝會則詣御座前進方鎮表及祥瑞未嘗真拜

以他官兼領者不與政事然止曹佺餘皆贈官官制行

以右僕射兼中書侍郎行令之職別置侍郎以佐之元

豐寄祿為開府儀同三司容齋洪氏隨筆曰紹興五年

書令侍中中書令為兩省長官自唐以來居真宰相之

位而中令在侍中上肅宗以後始以處大將故郭子儀

僕固懷恩等皆為之然不與國事懿僖昭之時員浸多

率由平章事遷兼侍中繼兼中書令又遷守中書令三

者均稱使相皆大敕繫銜而下書使字五代尤多國朝

創業之初尚仍舊貫於是吳越王錢俶等十五人同時

兼中書令太宗朝唯除石守信而趙普以故相拜真宗

但以處親王嘉祐末除宗室東平王允弼襄陽王允良

元豐中除曹佺官制行改三使相並為續文獻通考

開府儀同三司元祐以後不復有之

曰遼置中書令其次有大丞相左丞相右丞相而繼以

知中書省事中書侍郎中書平章事中書叅知政事元

初置中書令一員銀印典領百官會決庶務太宗以相

臣為之世祖以皇太子兼之自左右丞相而下平章二

員左右丞各一員副宰相裁成庶務號左右轄叅政二

員副宰相叅大政趙天麟上策略曰中書者機務之關

設官部

員副宰相叅大政趙天麟上策略曰中書者機務之關

員副宰相叅大政趙天麟上策略曰中書者機務之關

員副宰相叅大政趙天麟上策略曰中書者機務之關

員副宰相叅大政趙天麟上策略曰中書者機務之關

員副宰相叅大政趙天麟上策略曰中書者機務之關

員副宰相叅大政趙天麟上策略曰中書者機務之關

員副宰相叅大政趙天麟上策略曰中書者機務之關

員副宰相叅大政趙天麟上策略曰中書者機務之關

員副宰相叅大政趙天麟上策略曰中書者機務之關

員副宰相叅大政趙天麟上策略曰中書者機務之關

員副宰相叅大政趙天麟上策略曰中書者機務之關

員副宰相叅大政趙天麟上策略曰中書者機務之關

員副宰相叅大政趙天麟上策略曰中書者機務之關

員副宰相叅大政趙天麟上策略曰中書者機務之關

員副宰相叅大政趙天麟上策略曰中書者機務之關

員副宰相叅大政趙天麟上策略曰中書者機務之關

員副宰相叅大政趙天麟上策略曰中書者機務之關

員副宰相叅大政趙天麟上策略曰中書者機務之關

員副宰相叅大政趙天麟上策略曰中書者機務之關

萬春皇闕之家任之而當則奠枕磐石任之未當則瘵官病政此實國家股肱心膂之臣也太子為天子之元子任天下之副君又何須銀章玉帶輝一時之華階祕府都堂占大臣之上位名為重之寔以輕之按元

中書令為極尊次則左右丞相平章政事左右丞參政

叅議中書省事元世祖中統元年置叅議中書省事典左右司文牘為六曹之管轄軍國重事

咸與決焉曰叅議府左右司郎中亦預叅贊焉元世祖中統元年中書置郎中至元

十五年分置左右司郎中順帝至正七年又置中書議事

平章四人趙天麟論都省行省職掌略曰臣聞車輿之樞要在於管轄衣裳之提綱繫於要領要領

不可以兼祿之資管轄不可以兼轄衡之用我國家

內立中書外立行省防微之理亦已至矣然猶有未盡

者竊見中書內省密邇皇宮統餘省於上游弼聖躬於中域但當坐而論道據槐府以秉鈞寬以宅心守台司

而助化今也釐毫細務靡不相煩升斗微官亦來取決

豈非管轄兼轄衡之用要領兼祿之資乎伏望陛下

載宗都省申以大名選才德無玷地望極清者為大中書令

中書令二

原漢書曰司馬遷既被刑之後為中書令尊寵任職武

帝以太史丞司馬談為太史公應劭曰中書令太史公

位在丞相之上天下計偕先上太史公却付丞相增

御覽曰吳志曰蔡欽字文德歷位內外以清貞顯於當

世衛尉領中書令又曰胡沖平和有文幹天紀中為

中書令原臧榮緒晉書曰潘尼性澹退唯以著述為

事永興末為中書令晉書賀循字彥先為中書令時

朝廷凝滯皆諮焉為世儒宗晉諸公贊曰陳准為中

設官部

洪武禁書卷之三

中書令

三

書令張華爲監准與華俱處機密而准雅崇華每至直
日有詔書無大小輒先示華了不厝意華得詔書不以
示准 **增**冊府元龜曰晉張華爲中書令加散騎常侍
武帝潛與羊祜謀伐吳羣臣多以爲不可惟華贊成其
計 **原**晉諸公贊曰懷帝以繆播爲中書令朝事莫不
諮之人君之所取信於臣下無以尚也 **晉中興書**曰
肅祖以溫嶠爲散騎常侍侍講太寧初手詔曰卿旣以
令望忠允之懷著於周旋且文清而旨遠宜居深密今
欲以卿爲中書令朝論亦咸以爲宜 **檀道鸞**陽秋曰
溫嶠爲中書令上疏曰臣才短學淺文疏不通中書之

職酬對多方斟酌禮宜非惟文疏而已自非望士良才
何可妄居斯任累辭而止 **晉中興書**曰褚裒授衛將
軍中書令以中書銓管詔命不宜以親居之固讓 **檀**
道鸞陽秋曰王洽字敬和拜中領軍尋加中書令固讓
表疏十上穆宗詔曰敬和清裁貴令昔爲中書郎吾時
尚小數呼見意甚親之今所以用爲令旣機任須才且
欲時時相見共講文章待以不臣之義豈便任國之大
事耶宜推洽令拜固讓遂不受 **王珉**別傳曰珉字季
琰詔曰新除侍中王珉才學廣瞻理識清通宜處機近
以叅時務其以珉兼中書令 **沈約**宋書曰傅亮永初

元年爲太子詹事中書令專典詔令以亮任總國權聽於省中見容神虎門外每旦車嘗數兩增齊書曰王延之代張緒爲中書令何點歎曰晉以子敬季琰爲此職今以王延之張緒爲之可謂清官後接之者實爲未易後魏書曰任城王澄爲中書令蕭順使庾華來朝見澄音韻道雅風儀秀逸謂主客郎張尋曰往魏任城以武著稱今魏任城以文見美也北史曰高允爲中書令高宗禮敬甚重謂羣臣曰如高允者真忠臣也又曰高允拜中書令司徒陸麗曰高允雖蒙寵待而妻子不粒高宗是日幸允第草屋數間布被緼袍高宗歎

息久之曰古人之清豈有如此即賜帛五百匹冊府元龜曰高允爲中書令遷中書監魏初法嚴朝士多見杖罰允歷事五帝出入三省五十餘年初無譴咎又曰袁翻少以文學擅美孝明孝昌中爲中書令領給事黃門侍郎與徐統俱在門下並掌文翰唐書曰房元齡太宗即位爲中書令第功班賞以如晦等功第一餘皆以次封拜又曰褚遂良拜中書令太宗寢疾召遂良及長孫無忌入臥內謂之曰卿等忠烈簡在朕心昔漢武寄霍光劉備託諸葛亮朕之後事一以委卿又顧謂太子曰無忌遂良在國家之事汝無憂矣又曰張

九齡爲中書令時天長節百官多獻珍異惟九齡進金鏡錄五卷言前古興廢之道上賞異之 唐記曰長孫無忌檢校中書令猶知門下省帝欲立昭儀爲后無忌固言不可 又曰帝嘗宴諸王召薛元超從容謂曰任卿中書寧藉多人哉俄拜中書令 冊府元龜曰岑文本貞觀中遷中書令歸家有憂色其母怪而問之文本曰非勲非舊濫荷寵貴位高任重古人所懼撫已循心所以憂耳親賓來賀者輒曰受弔不受賀 事文類聚曰岑文本爲中書令或勸其營產業文本歎曰吾漢南一布衣無汗馬勞以文墨位宰相俸秩已重尚何殖產

業耶 冊府元龜曰馬周爲中書令攝吏部尚書太宗嘗賜周飛白書曰鸞鳳凌雲必資羽翼股肱之寄誠在忠良 又曰溫彥博貞觀中爲中書令性周慎不妄交遊自掌機務杜絕賓客國之利害知無不言太宗以是嘉之 又曰蕭嵩爲中書令兼脩國史在公慎密人莫測也 又曰姚崇爲中書令與宋璟進忠良退不肖賞罰必中朝綱克舉又選補平允委用廉吏權門請託無所復行書又曰竇威爲內史令性儉素不樹產業及卒家無餘財 唐書曰郭子儀爲中書令二十四考以身係天下安危 事文類聚曰薛收子元超拜中書令兼

左庶子帝幸東都留輔太子監國手敕曰朕留卿若失
一臂顧太子未習庶務關中事卿悉專之十又曰魏元
忠兼中書令請歸鄉拜掃特賜錦袍一領銀千兩并給
千騎四人充其左右手敕曰衣錦晝遊在乎茲日散金
敷惠諒屬斯辰崇孔帖曰王及善拜內史清正自持有
大臣節時二張怙寵每侍宴無人臣禮及善數裁抑之
后不悅曰卿年老不宜侍遊宴及善即移病月餘后不
復問及善歎曰中書令可一日不見天子乎遂乞骸骨
不許改文昌左相同鸞臺三品資又曰裴炎改中書令
舊制宰相議事門下省號政事堂長孫無忌以司空房

元齡以僕射魏徵以太子太師皆知門下省事至炎以
中書令執政故徙政事堂於中書省 又曰張嘉貞始
為中書舍人崔湜輕之後與議事正出其上湜驚曰此
終其坐後十年而為中書令 又曰嘉貞薦苗延嗣員
嘉靜呂太一崔訓皆位清要日與議政事當時語曰令
君四俊苗呂崔員 又曰蕭至忠為中書令時宗楚客
懷姦植黨而韋巨源楊再思李嶠務自安無所弼正至
忠介其間獨不詭隨時望翕然歸重帝亦曰宰相中至
忠最憐我帝又曰裴度拜中書令上巳宴曲江度不赴
帝賜詩南元史曰耶律楚材為中書令事無鉅細皆先

白之帝南征克汴梁親執觴賜楚材曰朕之所以推誠待卿者先帝之命也非卿則中原無今日矣時西域諸國及宋高麗使者來朝帝指楚材示之曰汝國有如此人乎皆謝曰無有殆神人也

原四 中書令三員 又曰蕭至忠為中書令初宗贊

原專車 大隔坐 上詳中書監二 吳錄曰紀隲字子上景皇時隲父亮為尚書令隲為中書令

每朝會以雲母屏風隔其坐 **望士** **勝會** 上詳中令二 晉陽秋曰王獻之少而標邁不

循常貫而撮其勝 **典詔命** **宣國道** 上詳中令二 晉令曰中書為

會故為中書令 **參時務** **典史書** 上詳中令二 晉令曰中書為

注 **立為頌** **共講文** 崔鴻後趙錄曰徐光字季武頓丘人幼以文才年十三王陽攻頓丘

掠之而令主秣馬光但書柱作詩賦左右以白勒勒令召光付紙筆光立為頌賜衣服遷為中書令 **貴幸傾朝** **尊寵任職** 漢書曰石君防與弘恭皆為中尚書宣帝時任中書官以恭為令君防為僕射恭死君防代為令貴幸傾朝百僚皆敬事 下詳中令二

才學廣瞻 **文旨清遠** 並詳中令二 **意性調美** **情度**

淹粹 薛瑩條列吳事曰吳冲意性調美心趣解暢有刀筆閑於時事為中書令雖不能匡矯亦自有守不

苟求容媚 **增風儀秀逸** **進止雍容** 上詳中令二

類聚云唐温彦博遷中書令彦博善於宣吐每奉使入朝召問四方風俗承受綸言有若成誦聲韻高朗響溢

殿廷進止雍容觀者拭目如温彦博其見重如此 **員相逼** **四俊見稱** 孔帖曰張嘉貞初為兵部張說已

所讓故說不平後嘉貞出為幽州刺史說代其處嘉貞

銜悔謂人曰中書令幸二員何相逼耶 下詳中令二

設官部 **中書令**

詳中書總二 又曰 **增風儀秀逸** **進止雍容** 上詳中令二

創綠野堂

進金鏡錄

守事文類聚云裴度徙東都留

子擁虛器度不復有經濟意乃治第東都又於午橋創別墅號綠野堂與白居易劉禹錫為文章把酒窮晝夜相歡不問人間事

命停嚴鼓

索焚表章

事文類聚云太宗車

駕征遼中書令岑文本卒帝親臨視撫之流涕其夕帝聞嚴鼓三聲曰文本殞逝情深側但今宵夜警所不忍聞命停之慨然曰以官案彰君之過求身後之名吾弗手自焚之慨然曰以官案彰君之過求身後之名吾弗也

中書令四文

原處機密

詳中

掌機管

王洽集辭中書令表云竊以

武之世始建此職歷代時宜置廢遂重武帝俱處機朝荀勗張華並為其任中興以來宰相居也

密華晉諸公贊曰裴楷為中書令加侍中與光祿大夫張密華俱處機密楷有時望而華獨開府時皆貴之華不

敢受尋進

便居顯要

檀道鸞陽秋云王洽為中書令

遺之書曰昔大將軍事故吾年二十九在烏衣宅諸文臺門詣謝還北窗牀上悲歎曰今出求為貧賤不可得弟今二十九便居清顯要任敢不

敬以先旨為弟啓義讓之路也奕世晉陽秋曰王

令為一時風流之冠卒以王珉為中書令世謂之大王

令小珉父洽又嘗為此官珉復繼之時人以為

奕世一時之美劉謙之晉記云珉代之皆一時之美

清雅正事

王敦集表云中書令領軍庾亮

也其清雅正事云中書監領軍如故增中

書五郎晉諸公贊曰陳准為中書令自後缺位事文類聚

宰相蕭嵩加中書令自張說為中書令後掌文誥職

缺此位四年嵩得之常帶河東節度使開國

設官部

中書令

中書令

中書令

國舊勲惟卿一人而已

台樞令德

又曰王旦罷相薨翰林學士承旨李

淮等奏議曰太尉王旦踐歷台樞將二十年紀律用張方夏咸服藹然令德洽於民瞻贈太尉中書令

中書令五

掌文書

原墓志梁簡文帝中書令臨汝靈侯墓志銘曰昔太祖時其惟宣武講道開天儀嵩作輔是曰邢第籍規承矩如康嗣衛似禽居魯息轡巖隈塗窮夜臺靈檐永闌松路方開草茂故轍松插新枚月明泉暗暑往寒來元帝中書令庾肩吾墓志曰荆山萬重地產卞和之玉隋流千仞水出靈蛇之珠故能肩茲屈景育斯唐宋掌庾命族世濟琳琅遂昌開國蟬聯冠冕父易高尚其道

肥遯貞吉關吏早逢夙表真人之氣少微晚映還彰隱士之星肩吾氣識淹通風神閒逸鐘鼓詞林笙簧文苑入為度支尚書任同北斗錫韓稜之劔朝比南宮識鄭崇之履余以其為人也瑚璉之器無慚垂棘杞梓之材有均廊廟故贈散騎常侍蓋旌賢也張纘中書令蕭子顯墓志曰君狀貌丘墟風神磊落閒澹動於容止英奕發於流盼筆鋒席上皆如素蓄切問近思見稱閑敏帝嘗顧問君曰我撰通史若成衆史可廢乃答詔曰仲尼贊易道黜八索述職方除九丘聖製符同復在茲日儲君毓德少陽情協陳阮親口妙思式表元石

原表宋謝莊讓中書令表曰伏惟陛下登取震維臨齊
璿政澤與風翔恩從雲動臣聞璧門天邃鳳沼神深絲
綸王言出納帝命自非望允當時譽宣庠塾未有謬垂
曲寵空席茲榮在於平壯猶不可勉况今縣瘠百志俱
淪原表志曰雲梯難立對風軒森森開觀煙容上英
增制唐蘇頌行張說中書令制曰咸有其德委廊廟之
元宰知無不為歸掖垣之成務燕國公張說含和育粹
特表人師懸解精通見期王佐故能深而不竭久而彌
芳宣大號於紫宸潤昌圖於清禁我憑柱石爾作鹽梅
行姚崇紫微令制曰黃門天之紫微地在清禁宰臣

為重庶政攸先不有殊才曷云兼寄梁國公姚崇河山
粹氣禮樂清英德量在寬公心益厚詞必體要行之自
遠學以窮微志於可大允茲忠謹光我謀謨聞善若驚
欲仁斯至衣冠以為著蔡廊廟資其柱石朕之欽者管
樂人之傑者蕭張遂能以身許國開物成務邦是用乂
朝惟得賢北辰環拱西垣近密俾因題劔之榮式演如
絲之命原表志曰宋韓通贈中書令制曰易姓受命王者所以
狗至公臨難不苟人臣所以明大節具官定交霸府委
質前朝荷戈共歷於艱貞錫壤迭分於戎律朕以三靈
睠祐百姓樂推言念元勳方酬異渥蒼黃遇害良用憮

然追升浴鳳之池式表潛龍之舊

中書侍郎一

原杜氏通典曰中書侍郎漢置中書領尚書事有丞郎

魏黃初初中書既置監令又置通事郎魏志曰掌詔草郎漢尚書郎之位

次黃門郎黃門郎已署事過通事乃署名已署奏以

入為帝省讀書可後改通事郎為中書侍郎晉置四員

及江左初又改為通事郎尋復為中書侍郎其職副掌

王言更入直省五日從駕則正直從次直守張華兼中書郎從駕

征鍾會掌書疏表撰又荀勗泰始中中書郎張華王濟猶尚自起草及後遂失舊體又華廙為人弘雅加

以名家子孫以婦父盧毓典宋中書侍郎進賢一梁冠

介幘絳朝服用散騎常侍為之齊梁皆四人梁以功高

者一人主省内事陳因之後魏北齊置四員隋初為內

史侍郎亦四員煬帝減二員改為內書侍郎唐初為內

史侍郎武德三年改為中書侍郎龍朔以後隨省改號

而侍郎之名不易舊制正四品上大曆二年陞從三品員二人掌侍從獻

替制敕冊命敷奏文表通判省事初學記曰案敘中

書侍郎魏官也又環濟要略曰中書有令僕射丞郎謂

西漢時也又案衛宏漢舊儀曰漢置中書領尚書匈奴

營部一郎民曹一郎謁者一郎此則中書郎已聞漢代

記傳無明文莫知廢置之由矣沈約宋志云晉改通事

設官部

州監領函卷八十三

中書侍郎

三

郎為中書侍郎蓋此始也

按魏志司馬宣王辟王伯興擢為中書侍郎亦明帝時據

此中書侍郎起魏代沈約宋書云晉改似謬也

案隋初改中書省為內侍省隋

末改為內書監唐初又改為內史省龍朔二年改為西

臺光宅初改為鳳閣開元初改為紫微其侍郎各因臺

閣改易為名

若鳳閣則名鳳閣侍郎其舍人以下皆倣此

增六典曰中書

侍郎掌貳令之職凡邦國之庶務朝廷之大政皆參議

焉凡臨軒冊命大臣令為之使則持冊書以授之凡四

方來朝臨軒則授其表疏升於西階而奉之若獻贄幣

則受之以授於所司文獻通考曰宋制侍郎掌貳令

之職參議大政授所宣詔旨而奉行之官制行以尚書

右僕射兼又別置侍郎以代參知政事建炎初復改侍

郎為參政

中書侍郎二

原魏志曰明帝詔舉中書郎謂吏部尚書盧毓曰得其

人與不得其人在盧生耳選舉莫取有名有名如畫地

作餅不可噉也毓舉韓暨敦篤有至行帝乃用之

隱晉書曰華表子簡字奉駿有智器文藻官至中書郎

又曰陳壽舉孝廉為著作郎與張華友善華當啓轉

中書郎荀勗黨疾壽華語吏部出為長廣太守

臧榮緒晉書曰夏侯孝若為野王令居邑累年朝野多歎其

設官部

屈除中書郎補曹嘉之晉紀曰汝南史曜為山濤所知
曜字季茂父為征南府小吏鄉人周浚一見曜而友之
配之妹官至中書郎晉書曰裴瓚字國寶楷子風神
高邁為中書郎出入禁門見者皆肅然改容增晉書
曰衛瓘為中書郎時權臣專政瓘優游其間無所親疎
為傅嘏所倚重謂之甯武子原晉中興書曰范甯字
武子少好學多所通覽為臨淮太守徵拜中書郎專掌
西省以職在機近固辭不許多所獻替有益治道 晉
起居注詔曰今之士大夫多不樂出宰牧而好內官今
皆先經外郡治民著績然後入為常伯中書郎沈約

宋書曰王微與弟綽書曰闔門皆蒙時私吾高臥家巷
遂至中書郎此足以闔棺也王濛別傳曰濛字仲祖
為中書侍郎在職四年無對首尾如一人又遷司徒左
長史少選四人年頻滿以濛難與比肩故也增冊府
元龜曰宋江智淵為中書侍郎愛好文雅辭采清贍世
祖深相知待恩禮冠朝時讌私甚數多命羣臣五六人
遊集智淵常為其首同侶未及前輒獨蒙引進 又曰
殷景仁為中書侍郎臥疾者五年雖不見上而密表去
來日中以十數朝政大小必以問焉形迹周密莫有窺
其際者 又曰景仁為中書侍郎於國典朝儀舊章記

注莫不撰錄識者知其有當世之志又曰南齊張融
太祖時為中書郎帝手詔賜融衣曰見卿衣服麤故誠
乃素懷有本視爾藍縷亦虧朝望令送一通故衣服謂
雖故乃勝新是吾所著已令裁減稱卿之體并履一量
又曰王融為中書郎武帝以其才辯使兼主客接魏
使房景高宋弁弁見融年少問主客年幾融曰五十之
年久逾其半又曰王融為中書郎世祖幸芳林園禊
宴朝臣詔融為曲水詩序文藻富麗當世稱之又曰
梁王峻天監中為中書侍郎高祖甚悅其風采與陳郡
謝覽同見賞擢又曰任昉雅善屬文尤長刀筆才思

無窮遷中書侍郎高祖霸府初開以昉為驃騎記室梁
臺既建禪讓文誥多昉所具及踐祚拜黃門侍郎又
曰丘遲為中書郎待詔文德殿武帝著連珠詔羣臣繼
作者數十人遲文最美又曰陳姚察為中書侍郎歷
嘉德宣明二殿及東宮三學士每有制述多用新奇專
志著書白首不倦北史曰趙彥深諷朝廷以子堅為
中書侍郎頗招物議時馮子琮子慈明祖珽子君信並
相繼居中書故時語云馮祖及趙穢我鳳池冊府元
龜曰後魏高遵為中書侍郎與游明根高閭李沖入議
律令親對御座時有陳奏以積年之勞賜粟帛牛馬

又曰朱延雋爲中書侍郎宣武專心釋典不事墳籍延雋上疏諫又曰趙逸爲中書侍郎太武神麌三年三月上巳帝幸白虎殿命百僚賦詩逸製詩序時稱爲善又曰崔光本名孝伯歷中書侍郎甚爲孝文所知待嘗曰孝伯之才浩浩如黃河東注固今日之文宗也又曰高閭爲中書侍郎軍國書檄詔令碑頌銘贊百有餘篇其文亦高允之流世稱二高又曰魏收兼中書侍郎季秋大射普令賦詩收詩末云尺書徵建鄴折簡召長安王文襄壯之顧諸人曰在朝今有魏收便是國之光彩中隋書曰元善拜內史侍郎上每望之曰人倫

儀表也凡有敷奏聲氣抑揚觀者屬目冊府元龜曰薛道衡開皇中爲內史侍郎高祖每曰薛道衡作文書甚稱我意後善其稱職謂楊素牛弘曰道衡老矣驅使勤勞宜使其朱門陳戟於是進位上開府冊又曰虞世基爲內史侍郎煬帝重其才親禮逾厚專典機密孔帖曰溫彥博遷侍郎高麗貢方物高祖欲讓而不臣彥博執不可曰遼東本周箕子國漢元菟郡不使北面則四夷何所瞻仰帝納之而止冊府元龜曰岑文本爲中書侍郎儲宮初建名士多兼領宮官太宗亦欲令文本兼攝文本固辭曰臣以庸才久逾涯分守此一職常

懼滿盈豈宜更忝春坊以速時謗乃止唐書曰郭正
一永淳二年除中書侍郎正一在中書累年明習舊事
兼有詞學制敕多出其手當時號為稱職曰又曰崔沔
拜中書侍郎或謂沔曰今之中書皆是宰相承宣制命
侍郎雖是副貳但署位而已甚無事也沔曰不然設官
分職上下相維各申所見方為濟理豈可俛默偷安而
為懷祿士也自後每有制敕及曹事沔多所異同孔
帖舊史曰薛元超高宗時為中書侍郎特承恩遇嘗召
入與諸王同預私讌又重其文學政理之才曾謂元超
曰長得卿在中書固不藉多人冊府元龜曰劉禕之

則天朝拜中書侍郎時軍國多事所有詔敕獨出禕之
構思敏速皆可立待又曰蘇味道為鳳閣侍郎味道
前居相位數載竟不能有所發明但脂韋其間苟度取
容而已故時人號為蘇模稜又曰蘇頲開元初為中
書侍郎時李乂為紫微侍郎與頲對掌文誥他日元宗
謂頲曰前朝有李嶠蘇味道謂之蘇李今有卿及李乂
亦不謝之詩又曰張鎬為中書侍郎時朔方興戎帝注
意將帥以鎬有文武才業命兼河南節度使持節都統
淮南等道諸軍策又曰裴度為中書侍郎先是德宗朝
宰臣歸私第百官不敢及門度以方討不庭宰臣宜日

接多士冀有所聞因奏請私家通賓客帝方屬意許之四方布衣得以策畫干丞相至今宰臣私第接士因度之請也以離首文左木業命兼西南管夏對林管管

亦不中書侍郎三飛離為中書侍郎相和陳太興在帝致

原躍池前入室上見亦伯玉赴中書詩何法盛晉中

隸書與劉惔為中書郎太宗輔政濛惔並數侍接對每為入室之賓惔字真長少清峻時人以濛比表曜卿以

惔比荀奉倩專掌無對並詳侍軌制書檄何法盛

書曰孔演字元舒晉國建與庾亮俱補中書侍郎於時中興肇建庶事草創演經學博通又練悉舊典朝儀軌

制多取正焉由是元明二帝親愛之嵇氏世家至

曰嵇含字思道為中書郎書檄雲集初不立草

行直言上詳侍郎二晉中興書曰范甯拜中書侍

郎時烈宗雅好文而明習五經甚見親愛

朝廷擬議輒諮訪之甯指朝士直言無諱鍾表百下詩郭頌魏晉世語曰

侍郎虞松作表再呈不可意令松更定之經時竭思不

能改心存形色中書郎鍾會察有憂色問松以實對會

取草視為定五字松悅服以呈景王景王曰不當爾耶

松曰鍾會耳王曰如此可大用真王佐才也伯玉

有赴中五字片言上詳鍾表注陸士衡轉中書

書詩出後謝表曰臣以職在中書制命所出而臣本以筆札

見知慮逼迫不獲已乃詐發內妹喪出就弟雲哭泣受

弔片言隻字文不關其間中書侍郎四掌密詔環濟要略

原掌詔書魏志云黃初中改秘書監掌密詔云中書掌

宮內密詔有職典禁闈曹毗集王仲祖誄云入管中
令僕射丞郎張華掌書疏張華別傳云大駕征鍾會華兼中書
雲張華掌書疏郎掌書疏表檄文帝善之還乃即真
達設官部中書侍郎

也 陸機以文學轉王隱晉書云陸機字士衡以文學轉中書郎 大事及

議多見施行又云李重遷中書侍郎每大事及 論釋

多見稱述晉書云庾亮中興初拜中書郎領著作侍講

布衣之好時帝方任刑法以韓子賜皇太子甚納焉 王濟

少有俊才文士傳云王濟字武子少 王濟有文章晉

居注云武帝詔曰駙馬都尉王濟忠篤 增品第四特

好學問有文章器幹其以為中書侍郎 增品第四特

預宴孔帖曰于志寧為中書侍郎太宗嘗宴近臣問志

預宴寧安在在司奏救召三品志寧品第四帝悟特詔

具召四人者謂曰我聞神龍可擾以馴然領有逆鱗嬰

者死卿至意故舉酒以 輪美官又云蘇頌起為工部侍

相樂也各賜帛有差 輪美官郎帝問宰臣有自工部

侍郎得中書侍郎乎對曰陛下任賢惟所命何資之計

乃詔以頌為中書侍郎帝勞曰方美官缺每欲用卿然

宰相議遂無及 諫東西兩朋又云郝處俊為中書侍

者朕為卿恨 諫東西兩朋郎高宗御殿觀醮時京

城四縣及太常音樂分為東西兩朋帝令雍王賢為東

朋周王潭為西朋務以角勝為樂處俊諫曰臣聞禮所

以重童子無誑者恐其欺詐之心生也伏以二王春秋

尚少意趣未定常須推多讓美相敬如一今忽分為二

朋遞相誇競非所以遠識非眾人所及 中樞白居易

高宗矍然曰卿之遠識非眾人所及 中樞除裴均

中書侍郎制曰宜 登中樞以副僉望 去 中書侍郎五 原詩魏劉公幹贈徐幹詩曰誰謂相去遠隔此西掖垣 所限清切禁中情無由宣思子沈心曲長歎不能言起 坐失次第一日三四遷步出北寺門遙見西苑園細柳

夾道生方塘含清源輕葉隨風轉飛鳥何翩翩 齊卞
伯玉赴中書詩曰大方信苞容優渥遂不已躍鱗龍鳳
池揮翰紫宸裏韻唐太宗餞中書侍郎來濟詩曰曖曖
去塵昏灞岸飛飛傾蓋指河梁雲峰衣結千重葉雪岫
花開幾樹芳深悲黃鶴孤舟遠獨歎青山別路長聊將
分袂霑襟淚還用持添離恨觴

原表梁庾肩吾為寧國公讓中書表曰臣聞陟彼太行
伯厚之車屢怠望茲吳坂少游之馬難躋是知美非流
水立致摧轅駿靡浮雲便期頓轡起登天漢寧培九萬
之風坐濟星橋非使千年之翼豈有幼稱辯慧足對元

禮弱標俊穎能嘲子淑玉重組長空見休寵深宮邃宇
孰知懷憂

增制唐蘇頌行薛稷中書侍郎制曰慶傳於家者代濟
其美才許於國者時無與讓開國男薛稷公貞性成仁
和道勝坦然之量羣物不干其靜穆如之風九流不測
其度頃罹多難克仗嘉謀翼戴朕躬保寧王室厥功茂
矣朝廷賴焉俾迴踐於綸闈以增輝於鼎席 又孫逖
行徐安貞中書侍郎制曰清才特達雅量深沉為德行
之宗師是文詞之雄伯頃司水土兼典圖書博綜維精
彌綸有敘王言是屬公議攸歸宜增秩於五字俾齊名

於三不嫌王言長屬公籍外職宜辭然亦王字野齊各
 之宗昭晏文臨之軌自即同水土兼典圖書射然然
 許翁安貞中書封海陽曰青木封畫師量彩以爲謝許
 淵鑑類函卷八十三
 其美木信於園者却無與難開園更結野公負抄丸寸
 味豈親野多鑿京女嘉籍異漢知限射寧王室風如
 豐器縣外蘇鎗卿于端王重臨具空具朴辭彩宮登宇



